

陳氏重修譜序

家譜者所以維宗法于既廢而得乎史之微旨者也
天子諸侯以及鄉大夫士之爵土皆世襲因而有大宗小宗之法自一世至數十百世支分派衍莫不瞭如指掌凡所以尊祖敬宗親睦其族人者固不待有譜而然迨至三代以下易封建為郡縣世祿世官之古意寢衰而宗法遂一廢不可復史書所載世系自本紀世家外其他蓋不可得而考矣然則非有譜以誌之後之子孫將茫然莫識其世次行列又何以興起仁孝之思使衆著于木本水源之義繼繼承承世守德以垂諸無窮此歐蘇二公所為創制縱橫實有深思大義存乎其間也今海內世族無論繁衍單弱大小聚散莫不有譜如江右所稱世家巨族亦難屈指惟江州義門聲名最著余向在史館常欲彙集古今德義門如浦

上海圖書館

登記號碼

00949971



江鄭氏壽春公藝與義門陳氏埒者著爲一篇以風天下後世奈多事
煩擾卒有志未逮也癸巳陳氏家譜告成余叨屬戚誼獲覩其先世所
遺故傳故牒溯其源且悉其流因不憚固陋而爲言以剋諸弁端陳氏
得姓虞裔胡公滿自周歷漢唐宋元明以來公侯卿相文人最多不能
盡述今之譜則自江州義門元公生九子分遷九州遠公徙江州魁公
入汀州支分江廣各州府縣所住村庄譜蓋明以晰焉余因思義門之
子孫最繁庶當日同居一十五世共食數千餘人一門雍睦毫無間言
爾時所酌家規有條有理而德義人文彪炳史冊竊嘆真良家之褒美
誠不誣矣今以遠魁二支有志諸君合贛吉等府數州縣之宗人聯成
此譜以垂裕後昆是猶存古宗法之遺意謂非仁人孝子之用心歟是
爲序

昔


大清道光癸巳年夏月

賜進士出身翰林院編修

年姻弟巫宜福

拜撰

吉旦



東天直冬矢會

重修譜序


二

七



陳氏修譜序

蓋聞萬物本乎天人本乎祖是祖固人之本也今之人莫不設歷代高會祖考之神位朝夕以敬奉之或問祖自何處第曰高祖某曾祖某及一己之祖某至問曾祖之祖高祖之祖高曾祖之高曾祖茫然不知而溯及始祖則愈不知即間有言之者又不能分大宗小宗誰昭誰穆斯忘祖而失其序者多矣噫序失則本益忘本忘而子孫安得克昌乎猶之木拔本則枝葉凋瘁水無本雖溝澮皆盈涸可立待故所貴乎根本是庇正本溯源也我祖在江州義範相承同居一十五代共食三千餘人迄自分莊而後如達公及魁公子孫蕃衍于福廣綿延于江右文人蔚起簪纓弗替類能以詩書禮樂丕振乎家聲而尤不可無譜牒以聯宗而和族書曰以親九族九族既睦是帝堯首以睦族爲教也禮曰



尊祖故敬宗敬宗故收族明人道以睦族爲重也今以顛吉等府州縣
星布棋散而幸能聯修家乘循乎分所宜爲極乎力所當盡惟是一姓
之中秩然藹然父與父言慈子與子言孝兄與兄言友弟與弟言恭雍
睦昭而孝弟之行愈敦差可謂知務本者矣方無愧乎義門之苗裔矣

道光十三年癸巳季夏月

吉

嗣孫萬安邑庠生

孚言謹序

陳氏源流家攷

粵稽

黃帝少典之子姓公孫名軒轅伐蚩尤有功而諸侯咸尊軒轅為

天子代神農立是為

黃帝黃帝二十五子其得姓者十四人

黃帝居軒轅之邱而娶西陵女是為嫫祖嫫祖為

黃帝正妃生二子其後皆有天下其一曰元囂是為青陽青陽降居江水其二

曰昌意降居若水昌意娶蜀山氏女曰昌僕生高陽有

聖德

黃帝崩昌意之子高陽立是為顓頊顓頊生窮蟬窮蟬生敬康敬康生句芒句


芒生螭牛螭牛生瞽瞍瞽瞍生舜是為姚姓舜生商鈞商鈞生虞夏虞



夏生仲華仲華生太元太元生叔容叔容生隱翼翼生端明
 明生景旭實仕夏封永定侯旭生勾較較生禹納
 納生靈冠冠生德懿懿生感亨仕商為鎮夷大司馬感亨生餘念
 餘念生仲仲生虞闕闕父闕父生滿武王賴其利器用與其神明
 之後以元女太姬配其子滿而封之於陳都於宛邱之側與

黃帝七堯之後其為三恪是為胡公以奉舜祀成王九年胡公滿卒胡公生犀
 及臯羊犀繼胡公立是為申公臯羊繼申公立是為相公相公卒申公
 之子孝公突立突生慎公圉戎圉戎生幽公寧當厲王之時慎公卒幽
 公立幽公卒子釐公孝立孝生靈七生說燮釐公六年周宣王即位三
 十六年釐公卒子靈立是為武公武公卒子說立是為夷公是歲周幽
 王即位夷公卒弟燮立是為平公平公卒子文公圉立圉娶齊女生鮑

娶蔡女生佗文公卒子鮑立是爲桓公桓公生四子長太子免次躍次
林次杵臼桓公弟佗因蔡人而立是爲厲公厲公二年生完字敬仲周
太史遇陳厲公使以周易筮之得觀之否曰陳衰此其昌乎太子免之
弟又因蔡人而立躍是爲利公利公者桓公子也利公卒弟莊公林立
莊公卒宣公杵臼立宣公生太子禦寇及欵宣公欲立欵禦寇素愛公
子完也懼禍乃奔齊四十五年宣公卒子欵立是爲穆公穆公卒子共
公朔立朔生靈公平國平國生成公午共公卒子靈公立靈公六年楚
莊王伐陳十四年靈公卒子成公立成公元年冬楚莊王率諸侯伐陳
因縣陳楚申叔時諫莊王復迎成公于晉而居陳二十八年莊王卒二
十九年陳背楚盟三十年楚共王伐陳是歲成公卒子哀公弱立哀公
生悼太子偃師次留次勝留有寵於哀公屬其弟司徒招卒立留爲陳



君四月陳使赴楚七聞陳亂使公子棄疾伐陳留奔鄭九月楚圍陳十
一月楚滅成陳立公子棄疾爲陳公楚靈王滅陳五歲棄疾弑靈王代立
是爲平王平王初立欲和諸侯乃求故陳悼太子之子吳立爲陳侯是
爲惠公惠公生柳七立是爲懷公懷公卒子越立是爲潛公卽陳侯周
潛公之子衍避楚難而居武陽時周敬王二十四年也衍生璉生璵周
貞定王十六年敬仲之後改姓田氏得政于齊盡官其兄弟宗人璉璵
皆往仕焉周考王六年衍卒璉歸奉宗祀生履祥七生周昌復仕齊爲
令尹齊康公卒無子田氏并齊有之周顯王二十八年周昌卒子裔生
伯承仲丕伯承無子仲丕生從善從吉七往秦拜上大夫遂居秦從善
生德紹德紹生述始皇三年述卒述生二子長伯次平伯以耕爲業平
歸漢封戶牖侯更封曲逆侯平生子二長買次原仁孝文二年平卒謚

爲敵侯子共侯買代買卒子簡侯恢代恢子何元光五年坐掠人妻棄
市國除原仁生子遠及逸七從衛青伐胡有功拜驃騎將軍遠生澄七
生與京宣帝時拜員外郎與京生考移家山陽瑕邱考生湯元帝元年
詔舉茂才拜爲郎求使外國拜西域副校尉爵關內侯食邑三百戶卒
於長安自是以後移家潁川平帝元年朝議以湯功大賞簿追諡破胡
壯侯封湯長子馮爲破胡侯次子勳爲討狄侯馮生成生晟七生會可
會可生琛和帝二年拜司隸校尉琛生嗣嗣生翔拜御史中丞翔生實
字仲弓漢桓帝三年推爲太邱長後封康樂侯太史奏德星見五百里
內有賢人聚中平三年謚爲文範先生大建元年加封潁川髡豚子六
皆賢而元芳季芳爲最元芳名紀拜爲太僕徵爲尙書令又拜大鴻臚
卿紀生群字長文爲魏司空羣生泰字元伯官并州冀州刺史復加奮

威將軍至尚書左僕射泰生準七生匡匡生遠遷長城令遠生康康生
英爲肝胎太守英生尚書公弼弼生校尉騁七生散騎常侍安七生淮
安令高七生德安令詠詠生長安守猛七生太常卿道成道成生文讚
贈侍中文讚生談先霸先談先字始興仕梁官至宮台閣始封昭烈王
生子蒨及瑒霸先字興國後受梁禪在位三年改元永定子暹長安以
從子舊嗣位在位七年次子瑒在位十四年瑒生叔寶叔寶之弟叔明
封宜都王叔明生志高志高生才七生蘊圭圭生秘書少監兼兼生褒
及京及齊京子褒生灌七生呵七生瓌避難於泉州仙遊鄉仙遊縣今
改屬福建興化府生幼子伯宣隱居江州廬山屢徵不起註史記行於
世有神人爲之卜宅於道厓南二十里艾草坪飛杖爲誌曰汝遷居此
後必昌伯宣誌之不忘生子檀七生旺旺乃遷神人所示之地曰德安

縣敷淺原太平鄉常樂里承德村而居焉旺生機七生感七生蘭七生
青七生子六曰伉曰侍曰仲曰俛曰偉曰伸由六子而下家益富而族
益繁仲子崇爲江州長史檢校右散騎常侍兼御史大夫賜紫金魚袋
始撰家法垂示將來凡諸織悉莫不周詳是以子孫衆多上下和睦室
無私財厨無異饌元昇丁酉始立義門宋太祖開寶元年御製詩以賜
之又賜十二字號知守宗希彥承延繼公汝才思以爲派行名次後裴
愈復上家法一篇太宗見之嘆曰真良家也手書真良家三字及製詩
賜之至嘉祐間同居十二世家長十八人聚族四千餘口其間衣冠之
盛官職之崇文學之英進士之第胡中書且已詳言之嘉祐七年

欽奉

勅旨以義門太盛委江南西路轉運使謝景初等監門分析自是布散各庄而

居焉此皆已往之實蹟今細錄之以示後云



目錄

義門陳氏譜序

重修譜序

新修譜序

源流家考

文範銘

太邱公碑文

太邱公廟碑文

長文傳

穎川遷記

義門家訓序



奏免差役雜稅表

復奏免差表

奏就本縣輸納表

貸粟奏

謝粟表

進呈家譜表

義門累朝事蹟狀

七十八尊長謝表

義田公塋坵記

授陳將士郎守江州助教勅

贈義門陳氏始祖五世公爵勅



除陳蘊守江州助教勅

賜江州義門陳氏詩

勅賜義門分莊詩

恭錄

聖諭十六條

寄題義門陳氏山房 其二

題九江陳氏

東佳書院

過義門陳氏宅

題東佳書院

拜陳伯宣先生墓



過義門山莊

寄題東佳書院

東佳書院記

蒲公遺像

霸公遺像

江州義門圖

仲八公遺像

續寧化遷記

名宦錄

附粵東宗祠序

里溪譜序



蓼溪習聖公傳

萬邑耀貴公壽序

贈陳生蘭谷行畧

贈蘭谷弟序

贈步南先生行述

陳母賴安人壽序

原籍永定松崗頭契

恩榮陳鼎琳公序

李院毓琳公序

義馨如先生序

李院榮璋公序



李院光讚公序

興邑龍溪家傳

陳母節孝邱孺人傳

奉廷佐叔序

贈龍溪懷六兄序

里溪位高公傳


必貴公元配蕭孺人傳

里溪以茂公傳

里溪以楨公夫婦合傳

里溪良楸先生傳

陳母葉氏節婦傳



黃羣以周公序

福建武平祠序

逕口屋場序

里溪屋圖并墳圖七

龍溪屋圖并墳圖三

鵝公陂屋圖并墳圖四

永豐坟畝四

瑞金坟圖三

田背坟圖三

里溪烏坑屋圖并坟圖五

文塔屋圖并坟圖八




小蓼墳圖

凡例附引

附載規條

執事鴻名錄

家譜跋後二篇



文範先生銘

蔡邕

君諱實字仲弓潁川許人也其先出自有虞氏中葉當周之盛德有滿者武王配以大姬而封大昊之墟是爲陳胡公春秋之末失其爵土遂以國氏焉世篤懿德令聞丕顯君膺皇靈之清和受明哲之上姿憑先民之遐迹秉元妙之淑行汪洋大度足以包覆無方剛毅強固足以威矯邪僻正身體化足以陶冶心性先生有此數德故言斯可法行斯可效是以邦之子弟遐方羣生莫不同情瞻仰由其範圍從其趨向戾狼斯和爭訟化讓雖威猛之政迫以刑戮未若先生化之神導之速其立朝事上也恭順貞厲含章直方無顯諫以彰直不割高以引長常幹州羸腹心之任義司徒納規陳謀匡弼三事義用昭明台階允寧遷聞喜長清風暢於所漸倫節溢於監司罷政有錯爭之不從卽解去復辟大

辟府尹遷大邱長民之洽情斂慾返於端倪者猶草木之偃于翔風百
卉之挺於陽春也以所執不遇所屬色斯舉矣不俟終日辟大將軍府
道之行廢有分與命乃罹罽網以就禁錮潛伏不試十有八年大蠲除
舉賢良方正大將軍司徒並辟曰七十有縣車之禮况我遇諸遂不應
其命容止法度老而彌壯凡所履行事類搏審不可勝數畧舉首末具
實載乎其傳君春秋八十有三年八月丙子卒大將軍三公使御屬往
弔祠會塋作誄諡曰文範先生刺史太守許令以下至於國人立廟舊
邑四時蒸嘗歡哀承祀其如稱先生存獲重稱亡歆血食行修於己德
施於人固生世之所罕有前哲之所不過也孤嗣紀御恤在疚敢錄言
行終始所守乃有二三友生咨度禮節咸曰君化道神速行於鄉施於
民祀典所崇鄉人之祠非此遺孤所得專也昔者先生甚樂茲土築室

講誨精鑿所憑順奉雅意遂定兆域宜有銘勒表墓俾後生之存思也

乃作銘曰

於戲文考

天授宏造

淵源其深

巍峩其高

剛而無虐

柔而不撓

誕鋪無憲

永世作教

君之誨矣

民胥倣矣

道行斯進

廢乃斯止

鮮有顯泰

既乃幽否

舍榮處辱


湟而不溜

德之休明

賤不為恥

超邈其猷

莫與孔軌






Faint, mostly illegible text within a rectangular border, possibly bleed-through from the reverse side of the page.

大邱公碑文

先生諱實字仲弓潁川許人也舍元精之和應期運之數兼資九德總修百行於鄉黨恂乚如也彬乚焉善誘善導仁而愛人使乎少長咸安懷之其爲道也用行舍藏進退有度不徼訐以干時不遷貳以臨下四爲勳功曾五辟豫州六辟二府再辟大將軍宰聞喜半歲大邱一年德務中庸教敦不肅政以禮成化行有道會遭黨禍禁二十年樂天知命淡然自逸交不誦上愛不瀆下見機而作不俟終日及文書赦宥時年已七十遂隱邱山縣車告老四門備禮閒心靜居大將軍何公進司徒表公隗前後招辟使人曉諭云特表可入踐常伯超補三事紆佩金紫光國垂勲先生曰絕望已久飾巾待期而已皆遂不至宏農楊公賜東海陳公耽每在表職群僚諸賀之皆舉首曰潁川郡陳君絕世超倫大



位未躋慙於文仲竊位之負故特高其德於相公之位也年八十有三
中平三年八月丙午遭疾而終臨歿願留塋所卒時服素棺槨財具繼
同周櫬喪事維約用過乎儉群公百僚莫不咨嗟巖七藪七各失聲揮
涕大將軍弔祠錫以嘉諡曰徵士陳君稟岳瀆之精苞靈曜之純天不
憖遺老俾屏我王梁崩哲萎于時靡憲縉紳儒林論德謀跡諡曰文範
先生傳曰郁七乎文哉書曰洪範九疇彝倫攸叙文爲德表範爲士則
存諱歿號不亦宜乎三公遣令使祭以中牟刺史敬弔大守南陽曹府
君命官作諫曰赫矣陳君命世是生光含醇德爲士作程資始旣正守
終有令奉禮而沒休矣清聲凡遣官屬掾史前後赴會刊石作銘府丞
與比縣會塋荀慈明韓元長等五百餘人總麻舉哀以送之遠近會塋
千人已上河南尹种府君臨郡追歎功德述錄高行以爲遠近鮮能及

之重部大楳以時成銘斯可謂存榮歿哀死而不朽者已

乃作銘曰

我七嵩嶽

吐符降神

於皇先生

抱寶懷珍

如何蒼穹

既喪斯文

徽音已絕

來者曷聞

交七黃鳥

爰集于棘

命不可贖


哀何有極



太邱公廟碑文

中平五年春三月癸未豫州刺史典以褒功述德政之大經是以作謚
封基墓興周禮銜鼎晉銘其昭有實故太邱長潁川許昌陳實字仲弓
含聖哲之清和蓋人才之上美光明配乎日月廣大資乎天地辟四府
宰三城神化著於民物形表圖於丹青巍乎其不可尚也洋乎其
不可測也儉約違時縣車致仕徵辟交至遂不屑就春秋八十有三寢
疾而終大將軍賜謚羣后建碑國人立廟先生有二子季芳元芳皆命
世希有繼期特立季芳盛年早亡亦圖容加謚元芳在喪廢寢消形嘔
血純孝過哀率禮不越於時嘉其畫像郡國欽盛德之休明懿鐘鼎之
碩義乃豎碑鐫石垂世寵光

詞曰



於皇先生

冠耀八壤

闡德之宇

探道之綱

繼期立表

以訓四方

惟堯天工

群生之望

高明允實

有馥其芳

載德奕世

休有烈光

欽慕在人

舊有憲章

過牧斯州

庶奉清塵

棄予而邁

靡瞻靡聞

嗟我懷矣

曷所咨詢

告哀金石

式昭其勤



太邱公傳


陳實字仲弓潁川人也少爲吏給事縣庭有訟者同縣楊吏疑是實縣官遂繫之獄實考掠無驗乃出之及爲督郵實反密托許令禮召楊吏由是遠近咸歎服焉尋轉功曹時中常侍侯囑託太守高倫用吏檄教實署爲文學掾實知不可懷檄入見言曰此不可用而常侍不以此從之此咎由故人畏強禦陳君可謂善則稱君過則歸己者也除太邱長約己清靜百姓安焉本司行部吏慮有訟者欲禁之陳實曰訟以求直實禁之物將何伸不可亦竟無訟者及後逮黨人禍實曰吾不就獄衆無所持乃請囚靈初大將軍竇武辟以爲掾屬時常侍張讓父喪歸葬潁川雖一罷舉至而名士竟無往弔者實乃獨往弔焉後復諸黨人讓感實故多所全宥實所活人者多也實在鄉里平心率物有爭訟者輒



求判正乃嘆曰寧爲罪所加不爲陳所短有盜夜入其室寔起自拂呼其子訓戒之曰夫人不可不勉不善之人未必皆惡遂至于此梁上君子是矣盜驚伏地寔徐譬之視君狀貌不似惡人此由窮困所致故世以群爲知人魏國旣建遷群爲御史中丞曹操議肉刑令曰安得通理君子達於古今者使平斯事乎昔陳鴻臚以爲死刑可加於仁恩者正謂此也御史中丞能申其父之論乎群對曰臣父以爲漢除肉刑而增加笞本興仁惻而死者更衆所謂名輕則易犯實重則傷民若用古刑使淫者下蠶室盜者剛其足則永無淫邪穿窬之姦矣是重人肢體而輕人軀命也曹丕卽王位封武安昌亭侯徙爲尙書制九品官人之法卒諡靖侯子泰嗣

長文公傳


陳公諱羣字長文潁川許昌人子祖父實叔父湛皆有盛名羣爲是時寔常竒之謂宗人曰此子必興吾宗魯國孔融高才倨傲年長紀湛先與紀友後與羣友更爲紀拜昭烈領豫州辟羣爲別駕時陶謙死徐州迎昭烈欲往羣說曰袁術尙強今東吳必與之爭呂布若襲將軍雖得徐州事必無成昭烈遂與袁術戰呂布果襲下邳遣兵助術大破漢軍備恨不用羣言舉茂才除拓命不行隨紀避難徐州屬呂布破操辟羣爲司空西曹掾屬時有薦樂安王模下邳周逵者操辟之羣謂模逵卑穢終必敗操不聽後模逵皆坐姦寃誅操以禮謝羣上薦廣陵陳矯丹陽載乾操皆用之後吳叛乾忠義死難矯遂爲名臣世以羣爲知人轉叅丞相軍事魏國旣建遷爲御史中丞時操議復肉刑令曰安得通理



君子達于古今者使平斯事乎昔陳鴻臚以爲死刑不可加於仁恩者
正謂此也御史中丞能申其父之論乎群對曰臣父紀謂漢除肉刑而
增加笞本興仁惻而死者更衆所謂名輕而實重者也群轉常侍領丞
相東西椽在朝雅伏名義不以非道假人不在東宮深敬噐焉及卽王
位封武昌亭侯徙爲尙書制九品官人之法群所建也及踐祚進爵穎
陰侯爲司空錄尙書事初操時劉廙坐與魏諷謀反當誅群言之操曰
曰廙名臣也吾亦赦之乃復位廙德群曰夫議刑爲國非爲私也青
龍四年薨子泰嗣


穎川遷記

自五宗九兩之禮不行於天下後世通都大邑之間號稱巨族而能譜其家者不多得矣若進而能譜其族則尤鮮焉況推及天下同源異流必其心之仁志之遠力之健學問之充博也而今一旦矯世俗之弊溯本窮源合陳姓而一之其固大有功於陳氏矣然使千萬世之下步塵躡跡倫理得以不滅昭穆得以常明維持名教於誠心真切之地又誰之功也耶此予喜得於俄頃創建而不容已於辭也按陳之先本媯姓出於胡公蒲受周武王之封於陳傳至潛公越爲楚所併子孫因以國氏羸秦之季有曰平者即越之十世孫也家於武陽戶牖與張子房同爲高帝謀臣封侯拜相光顯天下元帝時有曰湯者又平之六代孫拜西域副校尉奉使方外誅斬郅支单于及闕氏太子名王以下千五百



餘級功上錫爵關內侯于平有光湯之後移家潁川七傳而生文範先生實以節義風四方致有謂寧爲刑罰所加不爲陳君所短厥子七皆賢而元方季方爲最世稱難兄難弟殆本諸此自是潁川之陳益著二方之子孫益盛顯於魏播於晉大行於宋齊梁之間大司空群奮武將軍泰至達而遷長城者皆元方後也高源太守潤魏主簿譚爲福建節度使曰邁遷於莆田者皆季方後也季方之後居莆爲多泉州福建七安之境次之宋元寧間有會者故其派無傳焉長城自達之後有曰伯固者移宋續溪而南京鳳陽若旌德昌溪漢溪陳村古山徑之雲蒼昌化義干類皆續溪之分派也有曰叔明者居家德安與粵華榮贛罷吉安龍泉萬安雩都興國會昌安仁湖南郴州桂東桂陽若寧州武寧安義南昌靖安建昌豐城瑞昌奉新武昌上高袁州宜春分宜萍香萬載

及岳州平江長沙瀏陽禮陵以及新餘陝西廣西類皆德安汀州之分
派也有曰叔平者居家歙縣之黃墩若樂平臨懷定海永嘉昆山金華
寧壁莆田皆黃墩之分派也有曰叔達者徙居廬陵黃金鄉傳數世至
仲榮仲敬居於撫州崇仁城原瓦澤白陂淡陂旂嶺下香源旂源濠裡
穆源桐陂羅溪官州岡上圭峯田西梅峯山破港草坪樂安蛟湖灘溪
北門古塘二塘永豐宜黃縣西撫州府臨川縣馬驛前仁伯之裔孫復
徙居崇仁圭峯居焉皆仲榮之後也若玉溪口大門裡弋陽錦坊德興
陳源齊村上饒崇仁沙溪皆黃金之分派也仁受地廬陵而安陸新昌
太和信豐新田寧州杉市宣城長安諸派皆祖之允受地吳興而平湖
延津嘉興東陽義烏璉市海鹽蕪浦諸派皆祖之莊受封會稽而鳳陽
塗山廣德苦竹墩台州狀元塘皆祖之獻受地河南而西原武陵時和



臨穎以及大原陳營河南鄱陽南村貴溪永豐皆祖之虞受地武昌而
江夏金沙竹牌團風荆襄諸派皆祖之若赫山七陰遂昌鳳儀身城無
錫常鎮諸派則自恬於錢塘儉於南昌始也鄱陽大原南安古橋進賢
羅荅湖南長沙諸派則自由於鄱陽謨於巴東始也至於東川西門又
由大深避隋新遷於後亦有家保寧新井而卒宏大家聲如三堯者亦
有奉師出鎮因家浮梁鹽倉令而卒能死職廟祀如大夫軼者亦有宦
遊江湖愛其山水佳勝如家相廬如觀察使輕者若重慶南都鄱陽婺
源霍口則托始於新井而瓜分於子折如樂之南發之金闡五馬鳳沙
源又或有自禮域自霍口者也祈之竹源休之陳村引之京下連鎮市
則肇迹於鹽荅而溪殊徑別如祁西方村陳村溪宣化崇善棕宮谷木
如建德小梅青陽灣李林之水潭潛埠落塢歙縣之慈孝坊太平之西

鄉又或有自竹源陳村者也義門一派分遷尤多近則德化建昌湖口
星子彭澤遠則黃梅濟廣桐城宿松吉安臨江各居其地各宗其族雖
咫尺之地而有秦越之分回視古人家天下之心殆判若霄壤矣迄今
聯其族序其氏豈止家天下云乎哉蓋欲拔其澆漓之俗挽回淳樸之
風使族之人各自其身推及於其父自其父推及於其祖自其祖推及
於其曾祖自其曾祖推及於其高祖又自高祖而推及於無窮焉則或
同吾父者同吾祖者同吾曾祖者同吾高祖者同吾世分祖者雖有親
有疎有遠有近有貧有富有貴有賤有愚有智有賢有不肖自祖宗視
之則皆子孫也有何親疎遠近貧賤富貴智愚賢不肖之分則親之於
疎思何如而敦睦之近之於遠思何如而附會之富之於貧思何如而
周恤之貴之於賤思何如而維持之智之於愚思何如而勸勉之賢之

于不肖思何如而化導之始見存歿相關憂樂相共音問相通聲勢相倚綱紀相扶有無相濟出入相友會遇相接德業相勸過失相規農末相資商賈相合水火盜賊相顧疾病患難相恤婚姻死塋相助強不凌于弱衆不暴于寡大不欺于小一族之中和氣周流仁風洋溢上無愧于祖宗次無愧于大家且無愧于斯譜矣善哉陳氏是也然輯譜牒表世系取節畧寫遺像即所謂匡之直之輔之翼之使自得之或者指爲無本此不知譜者也烏足爲陳氏議哉故曰能推及于天下後世同源異流必其心之仁志之遠力之健而學問之充博也夫舉萬鈞之鼎必身獲而後能遊千仞之淵必津人而後可勝講學之任者予固知在斯人矧今陳氏子孫簪纓不替與予共事者屢多杰人因閱其世譜而樂爲之序焉

陳氏義門家訓序

家道之盛衰視乎子孫之賢不賢子孫之賢不賢係乎德之修不修古人詩書六藝以迪其德賢師益友以輔其德亡無不修而後子孫無不賢未有賢子孫而不克高大門閭光耀桑梓者家道之盛理固然矣余稽家藏譜系知陳氏爲有虞之後舜以大孝爲德則後裔之德本乎此後入之以德獲報亦本乎此矣數十傳周武王封胡公於陳賜姓陳氏歷代名公巨卿詳載舊譜姑不備述至陳武

皇帝霸先歷五代享天下三十餘年封建三十八王卽余始祖也至宋陳競公任江州刺史累世同居長幼三千七百餘口家無私財厨無異饌有犬百餘共牢而宿一犬不至百犬不食孝友

上聞



勅旌表義門陳氏誠克繼虞舜之孝德而先後一揆也

宋仁宗皇帝嘉祐八年八月 欽差中書省 奉

詔陳氏析爨分置七十二羆一百有八庄子子孫星碁布散而本源實有同

歸

明嘉靖二十三年巡撫監察御史蕭端查訪義門遺蹟建坊豎碑於九江

府德安縣義門山義門舖以誌表揚 題曰

義門陳氏祠堂至今猶存也溯我始祖宜都王乃江州義門之祖其後子孫蕃庶分遷尤多分至黃梅廣濟桐城吉安南昌府等處皆是江州同居以前在三千七百口之內分遷以後在七十二羆之數如大樹千枝萬葉總屬一本然則自郢以外有祖籍義門者世遠地隔有如胡越考厥宗系發祥之所自則一也至於非義門之祖斷不敢妄爲拔援

奏免義門陳氏差役雜稅表

張齊賢

右補缺知江州事張齊賢奏據偽署文林郎試太常寺奉禮郎義門陳昉狀稱一十五代同居三千七百餘口共活在偽命日蒙降

勅除正苗正稅外放免徭役沿科物色者實可敦化民俗激勵蒸黎契天下之同風符宇內之一統乞依前件敢不謄錄奏聞

開寶九年六月日奏 奉

勅旨江州一依偽命日施行

復奏免義門差表

改江南西路轉運副使臣張齊賢奏據江州德安縣狀申義門陳鴻家自來積善孝弟相承義聚一十五代同居五百餘年其祖父皆爲州縣之官自偽命以來蒙降

勅除正苗正稅外並免雜科徭役所有隨年納出沿徵麵麩錢絹鹽米等原

是應徵之物准東路轉運司一例徵納再入京奏呈 奉

勅並依所奏施行陳鴻戶下

朝廷先降

勅命亦是除正苗正稅外與放免徭役並沿科物色後來不合却將原免物

色復起徵納顧義門陳鴻戶下三千七百餘口義聚一堂歷時一十五


伐垂今五百有餘年方逢

聖運實厚人倫近聞此戶食稍不足依前來東路指揮所徵則一戶沿科雖

多在國不足爲利其陳鴻戶下正稅外伏乞

勅以除免仍

勅指揮州縣案存稍彰



聖命合具呈奏聞伏候


聖旨送中書門下牒 奉

勅旨宜命江州並依張齊賢所奏施行

太平興國七年正月十九日牒

奏義門就本縣輸納表

中書門下監秘閣三館書籍臣裴愈因散賜 御書得江州義門陳旭
住德安縣太平鄉舉家一十五代同居見存骨月三千七百餘口逐年
納稅九百貫苗米二千七百餘石輸納上件米到江州往回山路四百
餘里盡是輦運雖是了當不免倍費裹纏蒙官中每年春首支借陳肱
家熟米二千碩供給口糧冬中一斗只納一斗衆聞莫不 上感
聖恩雖承接救又且支用不足乞今戶下所納苗米二千七百餘石若就德



安縣送 一則免費車夫脚值二則依限完納 伏念幸逢

聖王孝治天下乞再賜憫恤庶濟困窮又據德安縣狀會會議陳旭苗米二千七百餘石每科徵常見出限方得了當乞就本縣倉送納緣路當衝要南北過往館驛供應補軍馬遞糧等納約二千餘石近奉指揮當留逐年准備計六千石比乞米在縣倉納送必得依限了當兼當縣見有倉眼堪任盛貯伏候

聖旨

至道二年正月十九日奏

聖旨宜令江州依裴愈所奏施行

貸米奏

殿中丞 唐 戩

宣德郎授殿中丞知江州軍兼管內勸農功事上騎都尉賜紫金魚袋

臣唐戩臣於今月四日得進奏院報鄧州餓死百姓本州不俾申奏已
行勘責散下諸路者切緣臣依准

勅旨往管下德安相度村落墟市酒坊稅務課利便路經過義門陳肱家見
有家眷三千七百餘口舍宇倉廩等又及數千餘間自有唐以來義聚
直至於今所有逐日贍供口糧每日用米三十餘石臣遂仔細跟問緣
由向來家法不令兒姪孫蓄積私財恐傷義氣所用之米只以庄田之
穀收用外此別無資助逐年收到谷石不足供用每年至春首卽於寬
剩之家生借四千石方得接濟至秋收日交還以此供給不周臣若不
早奏聞又慮他日大斷缺食人口飢餒或爲有失檢舉以臣管見似此
一家人口浩大糧食不足若非

朝廷詔助無以辦濟臣欲乞逐年每遇春首支借陳肱家熟米三千石候秋

收日原數還倉一則實免百姓之家移借減省利息二則換得新熟之米官物可令常存兼且一家感

聖恩謹具狀奏聞伏候

聖旨 奉

勅宜令江州一依所奏施行

宋太宗淳化三年八月十六日奏




謝粟表

伏以

重義周貧九州沐大倉之惠旌先賚後一王頌外帑之恩饗餐何顏素
餐有恥臣競誠惶誠恐稽首頓首上言竊惟草莽微軀邱園賤品各遵
孝弟誓終身以考槃敬守詩書甘樂道於畎畝饘於是粥於是敢倦三
時之勤不耕穫不菑畚安望百廛之取謀道不謀食雖未逮於君子尚
義不尚利竊有志於古人是以同居五百餘年聚族三千餘口祥駟物
類瑞蒲荆花故食少人繁方稱貸之爲慮分卑地遠奚賚予之是圖恭
遇

皇帝陛下學懋重華德涵丹粒知王業艱難之自重小人稼穡之依選士尚
純菽粟之文必錄取民有制粟米之征以時是誠大有爲之君抑亦不



世出之主也頃者伏蒙

聖恩念累世崇義之風特加優恤矜後人乏食之若遂隆頒賜粟計二千數

蓋五秉昔有周大賚是富善人而昭代殊恩亦隆孝子豈虞一介之微

乃得三春之賜一朝

盛事千載竒逢伏願養賢以及萬室

玉食而臨四方苾芬椒馨洽豐年之百醴醉酒飽德介景福於萬年臣無

任瞻

天仰

聖感激歡忻之至謹奉表稱謝以聞

崑

淳化元年


月

日

江州助教臣陳

競

謹表



進呈家譜表

陳旭特授將仕郎守江州助教臣陳旭爲欽奉詔諭事

天祐五年十二月十五日 奉

頒詔諭事


勅臣脩述祖先本末纂成家譜以進欽此臣欽遵纂述謹具表呈

伏以

道隆協帝孝順類錫於臣民運際中天文明光照乎譜牒龍翰煥

九重春色螽斯緝羣動

恩膏喜溢宗祊慶流祚允臣陳旭誠惶誠恐稽首頓首上言竊惟臣家
自軒轅錫氏得姓者十有四家暨唐室升庸居攝者二十八載大孝開
千百年之祀一中擅十六字之傳三代分封不遺有媯之後元姬作配



下降陶正之官念得國於陳州啟昌期之世運遂使賓齊世胄長懸鐘
鼓管絃之遺音豈其卜宅惟王早識弓冶箕裘之神器迨至播遷止徙
舍長城而閩蜀碁布星羅若夫會聚淵源自潁川而江州蜂屯蟻聚顧
茲綿世之蕃衍皆賴
鴻造以滋培茲益伏遇

皇帝陛下出震等於重華鳴謙同于復且握褒乘鉞將在
御天玉鑑珠衡先彰氏族

天書屢降叠見大寶之祥

玉牒新頒何止堯門之瑞若夫孝治紹虞廷之心學憲章大伊濯之王
風久矣作訓生民遺風苗裔矣一日二日研覽萬幾允文允武包羅百
世顧謂臣同居數世保無親疎遠近之嫌家聚千餘恐有氣質剛柔之

異況庶支既聯族誼世系必有流傳仰厯

聖聰俯採輿賤臣恭承下問悚慄躬趨敢不哀括家乘用以對揚王休者也
特以心殷捧日難追曲逆遺蹤而念切瞻雲忽見

宸翰遙臨俯採同姓之書仰叨良家之譽方啣


龍德於無地欣逢

鳳藻之自天伏願晶懸天鏡位極人倫止孝止慈一敬已偕於法世則世
道四方不忒其儀世乚相依則桐圭栢杞永被日月之光生生不己則
堯柳舜梧皆在栽培之下臣無任瞻

天仰

聖激切屏營之至謹 奉表進以聞

乾興元年十月 日題十一月十五日 奉



旨譜留覽其家法二篇發史館繕賜諸王使知孝弟之風欽此



義門累朝事蹟狀

江州德安縣義門陳泰准

勅帖淮州修國史 奏


勅修

真宗皇帝一朝正史要見義門陳氏自來義居事蹟及

朝廷有何 恩賜 旌表次第及應有事蹟照會修纂劄送江州請詳

前項合要事件立便取來仔細具錄實封入急遞

部直赴修國史院投下者切以臣泰家先祖自宜都王叔明之後五世
孫兼唐開元舉進士第爲右補闕仍留翰林院贈秘書少監生京進士
及第德宗朝官至給事中秘書集賢院學士以從弟之子褒爲嗣官至
鹽官令生瓘爲高安縣丞其孫瓌避難于泉州生子六惟五子伯宣有



文史之才與馬聰友善遊廬山結茅晦跡註司馬遷史記行于世累詔不起就拜著作佐郎後置田莊于江州德安縣子孫因此居住恪承祖訓屢世同居唐禧宗朝曾行旌表于時崇授江州長吏立家法三十二篇置主事設庫司建書堂立莊首自此始也後被草寇劫掠家莊焚失旌表文字直至江南偽命元昇元年特立義門縣帖差人于門首豎立義門二字仍除正苗正稅外放免差科徭役鹽鐵麴絹等家長表授江州司戶叅軍袁死昉爲家長又授文林郎試大常寺奉禮郎我朝

太祖皇帝開寶九年右補闕知江州事張齊賢奏據偽署文林郎試大常寺奉禮郎陳昉狀稱一十五代同居三千七百餘口共爨在偽命蒙恩除正苗正稅外免放差役沿科物色前件可以敦化民俗激勵黔黎乞依偽命旧事敢不謄錄奏聞牒命


勅旨宣命江州一依偽命日施行仍除正苗正稅外免以雜科徭役昉死鴻

爲家長太宗皇帝太平興國七年 若水爲江州東路轉運使復令江

州并督陳氏積年沿徵雜配右直使館知政事趙晉奏言陳氏歷代孝
義之家前李煜時尚蒙蠲放雜配幸至

聖王豈合徵取宜悉免本戶沿徵雜役庶彰大化是歲改張相公爲江州西
路轉運副使亦奏據江州德安縣狀申陳鴻家自來積善孝弟相承義
聚一十五代迄今五百餘年方逢

聖運實厚人倫本戶沿徵曾經奏免若復依前東路轉運指揮卽一戶沿科
雖多在國不足爲利其陳鴻戶下除正苗正稅外所有雜科乞仍免徵
勅命並依所奏施行鴻死兢爲家長淳化元年殿中丞知江州唐戩因勾當
公事至陳兢家見人衆家貧田疇不廣供給不足每夏卽于鄉里得便



之家生討米四千石方得接食秋成倍費二千石充利乞奏遂至春首
與借陳兢家米二千石候到冬收之日一斗只還一斗兢死肱爲家長
肱死襲爲家長襲死旭爲家長至道二年殿真裴愈散賜

御書到陳旭家見聚族益衆家道貧困遂奏旭家納米三千七百餘石每
年江州輸納往來四百餘里盡其輦運倍費裹纏奏乞就本縣輸納實
省脚值蒙

勅特許本縣送納愈又上呈陳氏家法一篇

太宗皇帝嘆曰天下有此人家家真良家也遂 賜真良家三字待臣又謂江

州陳氏一家孝友恭儉無比長幼三千餘口世守家法孝謹不褻閨門
之內肅如公門近如本郡歲歛以官米二千石貸之後家長旭但肯請
其半且云饘而食之可以及秋或謂何不受而糶之以要善價曰


朝廷以吾家三千餘口居荒歉之歲特以玉賦貸私室其可見利忘義而爲罔上之事乎上爲嘆惜因賜之詩

真宗皇帝景德二年任庭賞受殿中丞知南容州赴任便路經過本家見諸莊子姪勾當不告家長擅自典賣田產到任後奏乞就差官深慮不省卑幼遽相放效壞祖先之義範辜負

聖朝獎勵鴻恩追頒臣家卑幼子姪與承典豪民一處根勘將莊田所典得錢谷者着

勅斷還蒙

勅下江州差大理評事知本州汪自勾勘錢谷多無去着及利過于本江州檢格業還本主財沒不追旭以守義年深不欲違負鄉人錢谷逐年還足後來雖至困窮不敢私賣田產上負



聖恩大中祥符四年 賜家長旭

誥勅一道特授將仕郎守江州助教旭死蘊爲家長

天禧四年奉

勅諸州軍監應有旌表門閭人戶並免戶下物役其餘合差人夫科配物色
並依例施行不得放免其義門合行事件只仰依格

勅指揮州縣詳義門事實與其餘旌表不同又見陳蘊曾授格

勅不曾科配今上

仁聖皇帝天聖元年蒙 賜蘊

誥勅一道特授將仕郎授江州助教蘊死泰爲家長

天聖二年奉

勅應有官戶買水田三十頃泰家義居三千餘口田疇窄狹與其餘官戶不



同遂有狀申州當蒙知江州李原穎依狀與奏特

勅許與從便置買田產

天聖四年 奉

勅德安縣義門陳氏孝義之風卓然無比許建立祠堂以奉祭享旌其義也

右泰所奉帖命取本家自來義居事蹟及

朝廷有何恩賜旌表次第者切以臣家自有唐歷江南僞命以來至于

聖朝五百餘年一十五世不分聚族三千七百餘口皆是義居事蹟累蒙


聖朝恩賜次第已在前項開說並是指寔是狀申 聞

天聖五年七月二十四日

江州義門陳

泰

謹狀



天造五字小民二十四日

聖德也則水亦曰由節節節

聖德也日德平一平正世不

陳政言也德則德美大德則

才德也平治命則本德也

德德也德則則九字德文

德德也德則則九字德文

德德也德則則九字德文

德德也德則則九字德文

五派德四朝

德德也德則則九字德文

德德也德則則九字德文

德德也德則則九字德文

德德也德則則九字德文

德德也德則則九字德文

德德也德則則九字德文

德德也德則則九字德文

德德也德則則九字德文



七十八尊長謝表

臣旭言十月二十八日江州差表奏孔目官周豫賚到官誥一道

勅牒一道 伏蒙

聖慈特授臣聞

乾坤布惠里閭生光豈知蒲柳之年獲被

繇綸之命臣旭誠惶誠恐稽首頓首竊念臣世非蟬冕業藉箕裘徒以
祖先貽孝弟之規子孫凜詩書之訓爰從唐至于

聖朝連旌表于門閭獲蠲除乎徭役是以聚衆三千餘口幸免支離生身八
十一年會無玷累惟喜逢

聖恩伏惟

崇文廣武儀



天遵道應感

聖時仁孝皇陛下

德邁羲唐

功高舜禹爰自禮行睢上慶洽寰中含靈盡荷乎殊休品物悉沾于霽澤

臣家傳敦睦齒近期願特頒庠序之資俾與衣冠之列葦門圭竇驚紫
誥于俄臨雪髮霜髭映綠袍而薦耀此 陛下曲旌小善治化大同臣
敢不益勵雲仍彌敦禮義上副無私之教廣酌不世之恩臣伏幸年耄
不獲奔趨蹈舞

闕廷無任瞻

天仰

聖激切屏營之至謹奉表稱謝以




聞

大中祥符四年十一月

將仕郎守江州助教臣

陳旭誠惶誠恐稽首頓首謹奏



寄題義門陳氏山房

丞相李昉

孝義冠鄉里門多長者車
歲收千頃稻家貯一樓書
待客開新甕留僧煮嫩蔬
三公老且病無暇訪山居

其二

華胄遙亡信不虛
義居風範孰能如
力田歲積千倉稻
好學家藏萬卷書
簇對杯盤燒野笋
別開池沼養溪魚
吾生未有林泉計
空愧訪賢卧匡廬

題九江陳氏

丞相龔碧梧

異類猶同食羣居
共一門唐朝無舊國
尚有九江孫

東佳書院

內翰錢若水

居住東佳對白雲
義風真可勸人倫
是孫盡得詩書力
門巷偏多車馬

塵樓上落霞粘筆硯池邊怪石間松筠里党詎獨民遷善堦砌兼聞鳥
跡馴珠寶垂庭紅橘熟香襲座中萬畦春他年好卜為隣住誤葺吾廬
洛水濱

過義門陳氏宅

丞相張齊賢

五百年來烟爨同衣冠江左慕家風兒孫歌舞詩書內鄉黨優游禮樂
中孝弟筠編爭記錄門閭天誥錫褒崇莫將六闕方朱氏葉葉承承
奉始終

題東佳書院

內翰楊億

聞說東佳院名將闕里偕生徒似東閣書籍勝西齋俎豆儒風盛垣篋
樂韻諧門庭雙桂茂編籍九流排講學褰紗幔題詩掛粉牌荀陳傳舊
族游夏結同儕紅實洲生橘清陰市種槐夜蟾穿牖戶晴瀑瀉岩崖遠

客來千里新恩出兩階橫經定有日憑此寄幽懷

拜陳伯宣先生墓

大常博士柳宏

馬蹄特就訪賢來隔日紅塵喜自開古塚有跡經歲久殘碑沿字被雲
埋八龍學道傳遺緒千古文星照夜臺囑咐義門陳氏子年年此處掃
莓苔

過義門山莊


秘丞陳堯叟

旌宅園亭煥水香四時烟景似滄浪潯陽霽色連蒹砌廬嶽清陰覆草
堂田里從容應遜畔兒孫遊戲亦成行吾君致理型天下誰拾風流綴
樂章

寄題東佳書院

丞相宋琪

群賢肄業文方盛孝友傳家族更豪旌表異恩門第貴史書常載姓名



高謀孫有德學非俗侍士無踈衆豈勞我想東佳終未到只因勝槩屬
仙曹

東佳書院記 載通志

古之學者家有塾黨有庠術有序國有學此係乎人者也豹元隱南山
而成文章仲連適東海而移性情此係乎地者也然則稽合同異別是
與非地不如人陶鈞氣質浸潤心腑人不如地學者審其地可矣潯陽
廬山之陰有陳氏書樓其先伯宣之孫曰袞以爲族既庶矣居既睦矣
當詩書以文之遂於居東二十里地名東佳築室爲讀書地堂廡數百
間聚書數千卷置田二十餘頃以爲遊學之資子弟之秀者弱冠以上
皆就學焉由是若渤蜃若乘者舉進士曰遜曰範者並以文章昭著四
方遊學之徒亦宦成名立子弟之戲文如菽粟求焉斯應道猶江海酌

徐階



焉蒲腹學如不及仁遠乎哉昔北海有邴鄭之風離騷有江山之助皆此故也門生前進士章谷嘗于其所肄業走筆見告記之會陳氏子恭自南昌棣奉使至都下將還告別授翰以示之

嘉靖十八年己亥秋月

集賢院太學生徐 鏞記

義田公塹坵記

一公婆之田其來有自係後梁乾化二年壬申十二月歲除日置到黃忠輔田一號計三千八百餘步當晚諸房誕生三十二男皆英才之士俱登科第仕宦顯榮其田曰公婆大坵每年所收田谷令莊司別行收貯准春時米于歲除日炊飯享祀新歲凡賓朋及庄佃至者俱各先進一器以表其義也宜令子孫遵守者

宋太宗祥符七年甲寅清明日

旭 紀

一、... 平甲...

一、... 米...

一、... 信...

一、... 其...

一、... 封...

一、... 門...



授陳將仕郎守江州助教勅

宋真宗

睦族敦倫一室聚雍和之景揚休播美大廷隆寵渥之恩惟汝江州義門陳氏蒙大邱之餘澤襲著作之遺休孝義宏敷物類尚昭其感格仁恩深浹里黨悉化其競爭及爾陳旭作起後昆丕承先緒早彰素履聞望久著於儒林克懋清規風聲益昭於里巷宜膺需澤用保耆年可特授將仕郎守江州助教特頒綸綍之榮式光庠序之烈

大中祥符四年六月

日



贈義門陳氏始祖五世公爵勅

宋仁宗

盛德開保世之祥衍慶恒出於祖澤


聖朝隆報功之典追美心及乎先人惟汝江州義門陳氏
代傳孝弟世紹簪纓累葉同居歷年已幾乎五百七
朝共爨聚族實逾乎三千祖宗之培養既深公侯之
賞錫寧靳茲特贈爾始祖唐德安令陳旺晉國公二
世唐中書令陳機燕國公三世唐廸公即陳感許國



公四世唐處士陳蘭吳國公五世唐萬年尉陳青齊
國公嗚呼褒崇雖著於先朝顯揚宜彰於昭代錫之
祠祀祭於孟冬庶幾率土之民咸化同堂之義

天聖元年四月

日



除陳蘊守江州助教勅

古聖垂經端本必先於孝弟明王致治立教不外乎
人倫惟汝義門陳蘊確守先規凜承祖訓三千餘口
之共食勗茲來者深懼偶習乎澆漓一十五代之同
居勉爾後人惟益相維於孝義真典型足尚實年德
可嘉俾衆籍於郡庠且爲榮於里閭特授將仕郎守
江州助教益勵勤勞無忘寵渥凡有事狀具名以聞
特勅

天聖四年十月

日



恭錄

聖諭十六條

第一條

敦孝弟以重人倫

第二條

篤宗族以昭雍睦



第三條

和鄉黨以息爭訟

第四條

重農桑以足衣食

第五條

尚節儉以惜財用



第六條

隆學校以端士習

第七條

黜異端以崇正學

第八條

講法律以儆愚頑



第九條

明禮讓以厚風俗

第十條

務本業以定民志

第十一條

訓子弟以禁非為



第十二條

息誣告以全善良

第十三條

脫匿逃以免株連

第十四條

完錢糧以省催科



第十五條

聯保甲以弭盜賊

第十六條

解讐忿以重身命



勅賜江州義門詩

水閣山齋架碧虛
亭七華表耀門閭
祖宗遺下林泉計
孫子相承孝義廬
原上鵲鳩常救難
庭前棠棣正安舒
潁川郡派傳千古
芳振江州各自譽




勅賜義門分庄詩

江州久著義門莊
上分莊歲月長
蒂固根深誰與並
珠輝玉朗孰同行
漫誇詩禮追鄒魯
須信簪纓賽謝王子
姓各知遵義範
永於舜德有重光



濠 州 義 門 圖



東皋祠堂



同居一十五代天下無雙




共譽三千餘人世間第一



東佳書院




真君祠



鼓樓


都蚕院




饋堂




茶坊



解院



官樓



五祖碑



刑杖廳




鞠院



九皇殿



法筵亭



望亭



求清祠



酒店



百大牢

有井三十口

金雞石

龍箕箒



貓兒塘

洗米池

旺公墓


鳳山 義公田 墳八計三 塚百步

鎮場

東天直參矢會


義門圖廣東祠堂圖

斗之全



廣 東 老 祠 圖

廣東通志



卷之三



滿公遺像




東天直參矢會

像圖

二

廿六




霸先公遺像



陽上直方言

鬼見公



仲八郎公遺像



東天巨參矢會


仲八郎公像廷卿堂屋前

三


北窓



廷卿堂 屋圖居 萬邑小 蓼塔仔 背留旗 面癸山 丁向



元其堂
 屋圖居
 興邑黃
 田堡龍
 溪壬山
 丙向兼
 亥巳分
 金



東天直參矢會

興邑龍溪屋圖

四

北天直參



龍溪陳公胡墓記

古昔盛王在上餘恩及於庶類化育徧乎寰區故西伯有深仁澤及枯骨至今千百世下猶令人仰慕難忘也吾祖徙居龍溪多載于乾隆年間偶於園中鋤獲枯骨一具並無壻石記誌可考固不識爲某朝某姓之所遺也爰向枯骨而祝之曰願汝顯神通以示我適有蜂飛而鳴曰胡也遂問筮而准焉究不知其爲姓胡歟抑爲名胡歟於是相陰陽擇方向卜吉於祖堂屋側菜園背造石砌坟以葬之碑載陳公胡之墓字樣又安名運久春秋祭掃與吾祖相埒嗟乎遙溯賜姓受氏之初莫非一家同體之誼吾姑弗辨其爲葛天氏之民爲無懷氏之民而第以此骨湮沒於蔓草荒烟之際者多年尚待我等造石築墳以安葬春露秋霜以享祀其始生而爲英死而爲靈必有所不朽於斯世者也否則無所歸於我殯可矣敢效非其鬼而祭之乎因援筆記之而附諸祖堂圖後


大清道光十二年癸巳秋

七月

日吉旦

懷六謹記


玉蘭堂
屋圖居
興邑田
背鵝公
坡辛山
乙向



屋圖

五

廿六



淑顯公


屋圖居

興邑里


溪烏坑

仔乾山

巽向



淑芳公
屋圖居
興邑里
溪東寮
坑巽山
乾向



屋圖

六

北家全



貴位 堂屋 圖居 興邑 里溪 水口 戌山 辰向



習聖公妣巫氏
 附葬男日炳三
 人墳圖葬于小
 蓼坑劉家埤網
 形亥山已兼乾
 巽分金此坟山
 雍正元年契買
 胡汝祥之山四
 至離墳各一十
 八步有碑爲界



日炳公妣謝

氏漢太墳圖

葬在大王廟

下坑又塘坑

虎形乾山巽

兼亥巳分金

此墳山雍正

元年七月契

買郭庭堦之

山有碑為界



廷 鄉 公 墳 圖



墳 圖

八

東 天 直 參 矣 晉

北 辰 堂



右圖左穴係小蓼塔子背陳氏廷卿公之墓生於明崇正己巳年於

清康熙壬子由閩永定縣徙居塔子背留旗面居生男四長次失傳惟三四二房子

孫數百餘人於康熙壬申年十一月初三日未時遷葬此墳地名老屋場半畝

子吳乾兼己亥分金結作龜形至乾隆癸酉年十一月吉日二房嗣孫重修遺

下祭田小蓼下坑老蓬場壹處上坑月光面壹處共計租四担以為永遠祭掃


之資該墳基係契買郭姓之田左右前以田為界後以望碑為界右穴係公長

孫耀東夫婦之墓


道光癸巳年孟秋月

日

嗣裔昌保 謹記



斗山公墳圖



東天直參矣魯

增圖

九

斗山公墳




此係小蓼塔子背斗山公之墳圖公生于康熙甲辰年歿于乾隆己未年至乾隆丁亥年遷葬此墳地名點坑口嶺上癸丁兼丑未分金墳面俱砌石橫梁書閩永分派文塔陳氏佳城中柱書人文光北斗淑氣耀南山字樣前後左右有界石妣蕭氏生三男耀東耀斌耀貴傳下數百餘人公遺祭田小蓼上坑王背坑下坑口草崗上大蓼上坑茶背坑大王廟龍尾塔子背橫嶺共五處計租六十餘担以為歷年祭掃之資又儒租一號坐落地名河塍上西瓜埧共計三十餘担半以為三房嗣孫文武遊泮者歷年照名數多以給領茲特附載圖後庶幾世守弗替焉

道光癸巳年孟秋月

日

嗣裔昌保 謹記

右圖係小墓塔
 子背陳斗山公
 元配蕭氏老孺
 人之墳坐落地
 名大王廟下手
 大塘基契買郭
 姓之土前後左
 右以塹為界一
 山二向外立癸
 丁兼丑未分金




東氏直冬冬矢會

萬邑小墓墳圖

十

斗文



此係小蓼塔子

背成銓公妣賴

氏夫婦同葬此

墳地名大王廟

下首大塘基梁


買郭姓之田後

至巫姓墳左至



山堂墳前右

己田為界丙癸

山外子山分金



此係大王廟下
 坑龍尾口葬陳
 昌侶公之繼配
 蕭氏之墳生于
 廣東平遠肥田
 坑蕭喬嶽之次
 女艮山坤向兼
 丑未三分辛丑
 辛未分金結作
 鳳形左右兩鞏
 滿男輝森夫婦
 壽居左上一墳
 輝森側室墳



此墳在小墓下
 坑總名紉帽形
 左邊發龍蓋結
 原名糯田坑嶼
 上結作虎形葬
 陳成錡公子晉
 聲原配巫孺人
 夫婦金葬於乾
 隆 年 月
 時內壬山丙向
 兼子午三分外
 子山午兼壬丙
 三分



命九公壽墳圖



東夷圖卷之三

墳圖

十二

東夷圖卷之三



得慶公

妣羅氏


墳圖葬

鵝公坡


橫窩埂

上乾山

吳向



玉蘭公
墳圖葬
于鵝公
坡橫窩
埂上癸
山丁向




墳圖



玉蘭妻

張氏壽

墳圖



順如公

妣溫氏

墳圖合

墓牛牯

嶼水口

排觀音

坐蓮形

戊辰兼

辛七分

金



墳圖

十四

東坡先生文集

卷之三



元其公



墳圖葬

於義渡

剃刀石

鳳形午

山子向



寬公妣

王氏蕭

氏墳圖

合葬于

瑞金姜

塘坑排


上燈架

形酉山


卯向



德佳公
墳圖墓
於里溪
馬騰切
蛇形巽
山乾向



德佳 公妣 賴氏 漢太 華於 瑞金 花椒 坑鳳 形丁 山矣



墳畝

十六

東門外

北門外



科位公

墳圖墓


於瑞金

木瓜溪

黃泥坑

虎形庚

山甲向



淑芳公
墳圖
於東窳
坑屋背
虎形巽
山乾向



東七言參矢會


興邑里溪墳圖

十七


北溪圖



淑芳公
 妣雷氏
 蔡氏二
 位墳圖
 合葬于
 東寮坑
 下屋背
 觀音坐
 蓮形丙
 山壬同



必貴公
 妣蕭氏
 墳圖葬
 於里溪
 水口石
 橋埤鳳
 形辛山
 乙向兼
 酉卯分
 金




東七直參矢魯


興邑里溪埤圖

十八

北亥全



以龍公妣
鍾氏溲太
葬於東寮
坑石頭背
上山鳳形
外丙山壬
丙巳山亥
向兼丙壬
辛巳辛亥
分金



淑才公
墳圖葬
於黃田
梅西坑
坐東向
西寅山
申向兼
艮坤分
金



淑才公

妣謝氏

漢太男


必智二

人合葬

天井坑

口艮山

坤向



必智公

妣張氏

媳王氏

合葬黃

田石子

嶺下水

口主塘

潭嶺上

乾山巽

兼亥巳




東七

興邑里溪墳圖

二十

北

淑顯公 妣林氏 墳圖合 墓於里 溪狐狸 嶺水口 牛形乾 山與向



必坤 公妣 何氏 墳圖 合墓 里溪 竹山 腦申 山寅 向



東天宮


興邑田背墳圖

二十一

北



以茂 公墳 圖葬 於烏 坑子 屎缸 窩已 山亥 向



以茂公

妣鄒氏

墳園男

宗耀合

壘里溪



石灰岫

老逢背

大坐人

形庚山

甲向



上周公

墳圖壘


於雩都

青山子

火甲坑

虎形酉

山卯向



上周公

妣李氏



漚太葬

於雩都

青山仔

上窩大

坐人形



永叶公

妣梁氏

墳圖合

葬永豐

二十七


都上堡

四坑中


埂虎形

真山甲

向




以明公
妣楊氏
墳圖合
葬高坑
社公坳
門手蛇
形丁山
癸向





續寧化遷記

我陳氏之遷閩汀者不僅江州義門也惟江州伸公五世孫彥豪公遷上杭庄又俛公四世孫魁公帶家口九十餘人遷汀州庄因避難而居寧化石壁陳德村是魁公實爲基祖焉生五子崑崙嵩嶽峯長次失紀嵩公生三子銓錫欽嶽公生二子法強法河峯公生一子自強至欽生二子儉壽儉爵儉壽生孟一孟二孟三爵生仲四仲五仲六仲七仲八由寧化徙居漳州龍巖赤水湖洋則爲孟一卽之後上杭勝運里支分湯湖安鄉美女石象洞則爲孟二卽之後廣東潮州府程鄉竹篙三透支分海陽潮陽饒平則爲孟三卽之後若仲四則在漳州漳浦縣大坪支分石城墩等處仲五則在漳州南靖集賢里竹園等處仲六則在永定縣豐田里湖雷廖湖寨支分吳坑白水及四川重慶巴縣等處仲七



仲八仍居寧化石壁仲七生五子今之廣東潮州華角頭大浦縣黃沙
富坑漳州平和縣蘆溪小溪南靖縣歸德里漳浦大坪支分石城墩汀
州上杭溪南里中心墩支分河背永定縣金豐里陳東坑古洋大溪及
支分江西萬安大小蓼洞紫霞泰和馬家州白土街餘田撫溪蘇溪贛
縣東門沙地等處則皆祖之仲八生五子今之上杭縣豐朗里及溪南
里倒坑金沙畚後太平里古鎮坪雙坑舊縣磔下茶地 湖裡芙蓉埠
陂下埧子裡雞岡永定縣金豐里奧杳岐嶺湖雷羅灘松嶼頭漳州南
靖新安里山浦支分清寧里銅皮南發花村廣東河源縣麻陂支分龍
川博羅海豐及江西袁州宜春分宜撫州府九度橋瑞金新中厓坑布
花垵竹山下上下豐田雩都社埠興國五里亭日頭嶺石下李院龍坑
龍子逕富足支分四川成都簡州信豐雲亭吉安府富口永豐上下坊

萬安縣良口里箕坑柯坑口綿津良碧洲大東坑庵子前弔壠石龍坑
武索滌嶺小蓼塔子背蕉源三家村光坑黃竹三坑仔泰和白羊垵西
陽山浪川洞鹵芭山龍泉三石墩草林下陂菖蒲墩等處則皆祖之此
係嵩公之分派也若夫自強公生三子肇統肇緒肇基長次亦失紀惟
基生二子永繼永纘繼無嗣纘生一子乾世居寧化石壁流藍橋二世
孫安邦居高州又遷興國又至九世孫贄徙居江西太和縣柳溪後遷
興寧石馬是開基也有八世孫世偉徙居梧州陸川縣其于原任流藍
橋者則有中興公生十八子而一即居石壁村支分武平東安閣二即
徙浙江三即徙興寧石馬四即徙潮州程鄉五即徙潮州府六即遷江
西信豐支分劉陽七即遷上杭支分劉陽八即遷九江九即遷會稽支
分吉安十即徙廣東平遠支分廣西十一即徙湖州十二即徙平遠東

石東布嶺後移程鄉石坑都東坑裡又分龍虎墟冷井水韓甫都合于
裡十三郎徙嶼竹十四郎遷興寧石馬十五郎居流藍橋十六郎十七
郎俱移贛州惟十八郎不知所往至由興寧移居江西則有袁州分宜
五家營萬載監田吉安永豐高坑蓮花廳永新永寧文嶺萬安獅形大
嶺黃塘東坪箬坑龍泉朱婆嶺牛頭寨南安府之上猶崇義南康瑞金
木瓜墟贛縣雩都冷坑會昌落口石斷布尾興國大小舡沙洲背河嶺
長窖義渡義龍里圯岡背洞十石背石田背鵝公陂鰲源里溪山尾龍
江頭鍋口黃羣長信等處此皆係峯公之苗裔也如問嶽公之後則有
支分興國瓦下寶石者是其餘未德詳焉凡此但卽覽諸故牒訪諸父
老及身親其地畧舉所見聞者指而數之倘非魁公所傳有彷彿疑似
者則闕而不書蓋不欲徒誇美盛致混真失實也

名宦錄 自蒲公所有科第仕宦俱於世系各名位下註明今將

寧化分遷以後者錄之

自強 宋寧宗時位至宰捕

肇宗 謚文肅宋賜進士翰林院學士陞戶部左侍郎贈太子太保

肇統 宋舉人

肇緒 宋舉人


肇基 宋賜進士任福建汀州府寧化縣事

玉貴 宋進士

梅山 舉人

梅嵩 歲進士

乾 庠生



斐然 進士

贊 進士

玉清 號松筠明嘉靖年間恩薦大賓

玉漢 號近城 嘉靖乙丑年歲進士

隆興 鹽尹使

厚福 武德將軍世襲五代

欽誥 邑庠生

臺 邑庠生

井雨 貢生

忠 貢生

高 貢生



明庠生

容

豪

文現

彥聞

琪

謙

學貴

際昌


紹宗

進

號嵩林

號益舉

字道學



壯行

鶚薦

清解元賜進士翰林院

宏謀

清仕至太子太保內閣學士

英

直隸紫荆關叅將

定初

懷遠將軍

蘭生

任山西督撫

東涯

舉人山東泗水縣知縣

疇思

舉人

作芹

賜進士官至貴州獨山州知州

作藻

舉人星子縣學教諭

之駒

壬子舉人



經猷 舉人候選知縣

玉燦 歲進士順昌學教諭

載武 嘉慶乙丑欽賜翰林

善 嘉慶戊辰舉人

汝衡 歲進士

作承 歲進士

登瀛 歲進士

冠英 舉人

芳傑 舉人

錫光 舉人

夢蓮 廷試進士拔選陝西知縣



光祖 癸亥歲貢生

元標 癸酉拔貢生

元凱 舉人

元倫 舉人

繼昌 嘉慶庚辰解會狀三元

雲相 山西太原府左堂

連栢 道光辛巳恩貢

象儀 辛巳拔貢

宣三 邑廩生

清庠生

聘三



孚言
庠生

立山

祝三

玉衡

東萃

正淑

輝照

璋

天府

丹書

太賓



昌五

輝雄

光

珊

獻瑋

獻璋

騰芳

滋宛

庚淑

郡庠生

郡庠生



附粵東陳氏宗祠序

祠之建也由來尙矣祠者何以人道親親也親也故尊祖尊祖故敬宗敬宗故睦族是上治祖禰下治子孫旁治昆季合族之道也蓋凡族姓之始本則父子也久至而親者踈矣又久而踈者遠矣一自支分派別遂各自爲祖各自爲宗迨其後系序茫然竟莫知同出一源不相親睦矣維我陳氏系本有虞都紀潁川源遠流長也世固其難悉而瓜瓞之綿綿於吾梅合一府屬分邑而居者烟戶不下數萬餘派戶不下數十餘况科第翩也元精炯也玉馬金堂本屬大家也於此而合聯之竟至不相親睦可乎雖府城內外陳氏祠亦不一而總祠則無猶然各自爲祖各自爲宗也有心者莫不爲之懷悒焉茲者卜吉於南外樹湖裏坐北朝南癸山丁向橫九丈餘直二十丈餘前朝大江秀水後接院衙真




脉定以爲合族祠妥先靈在是聯本支者亦在是語云輯睦者祥得地者昌况今者我州氣運昌隆州更爲府矣乘時者宜應運而興謀之族屬一唱衆和無不踴躍而歡欣爰議規條捐題正特牌者若干副特牌者若干散謚大牌者若干則以吾族姓之蕃衍經之營之何難不日成之乎夫然後繫之以祠而弗別綴之以祠而弗殊遇此蒸嘗之際前者爲某戶祖前者爲某戶宗前者爲某子某孫初不必遍閱譜系而秩然世次之詳明則所謂上治下治旁治之井匕不紊者油然而孝敬生藹然而禮讓接睦族以敬宗敬宗以尊祖親匕之道得以人道盡之矣詎不休哉是爲序

翰林院
檢討載武謹撰


里溪陳氏譜序

余陳氏自胡公受姓以來其源流非不遠也由周而秦而漢至太邱公
穎川所由立也及唐而晉而宋又江州義門所由立也名人學士仁人
君子不暇枚舉矣自我始祖自強公在宋爲宰輔子肇基仕閩遂居閩
之寧化鄉歷數世至十二郎徙居平遠豐順鄉而世系彰明昭著燦然
可考迄今千有百餘年間有諸祖流落他州各省一時難列某房之太
小分之尊卑郎十二郎所傳不啻百千萬人居住不能盡同世遠人繁
親疎莫辨良楸與兄弟等居常聚首談及宗系每曰人有祖宗猶水有
源木有根也今十郎之子孫支分廣西者現發鼎甲三元及第吾十二
郎固與十郎同居平遠豐順鄉後移程鄉東石東布伊等已于
道光三年回粵重修譜牒吾等亦宜重修庶不至昭穆混淆世系失序故朝



夕以譜之未修爲念時

道光壬辰年邀集本支分住於贛州吉安袁州宜春萬載永豐等府縣及嵩
公遠公之所出者合而修之就寧化以來以迄於今錄其所可信者闕
其所不知者以敦一本之愛以演一支之派至明且實而不妄敢授俾
後之視今猶今之視昔知源流之所自而克昌厥後者有是以爲之基
矣 楸雖不敏叨承餘慶愧無涓埃之善以答祖休也惟是勉勉循匕
兢兢業業體先人之心以行先代之事今幸譜成稍盡報本之誠敢云
孝慈之繼佇望後進者世襲宗風篤守宗法孝弟忠信各盡其道士農
工商各安其分母凌下母援上母嫉富欺貧母媚榮辱己母以強陵弱
母以衆暴寡母以卑踰尊母以疎間戚母懲惡而不去母小善而不爲
庶無負重修譜牒之美意倫理益明之盛典求無忝四方親友以巨族





稱矣豈特貽謀于後世之繩匕蠶匕亦且有光于前烈之郁匕彬彬者
矣是爲序

皇清道光十三年孟秋月

吉旦

十二世嗣孫良楸 謹序





十二世嗣孫其楨

備京


吉氏

陸上言方言
卷之六



龍上輝祥公序

古今稱義門者不過十數家而江州陳氏爲最著側聞宋元以來鄉里所遺碑碣凡屬陳氏子孫題譔者不稱官爵類曰旌門陳某以旌門優於官爵也余按史陳有伯宣者註司馬遷史記行於世子崇爲江州長史以教家必從孝道始撰家法垂示焉至僖宗時始以六世同爨得旌南唐時競始以其子孫益多得立義門陳之子孫散在天下甚盛而咸水木於江州之競至道中陳氏上家法一篇送史館繕寫且張齊賢奏言陳氏積世義門全家孝行也夫陳始以國爲姓中以姓爲國終復以國爲姓矣其爲胡公爲虞舜爲黃帝世固莫與京也然陳祖起於吳興長城下若里自云漢太邱實之後未嘗上援胡公虞舜黃帝也余猶疑史稱之自云例猶自云宏農自云太原云爾似不許其爲真宏農太原



也以一代帝王之尊尚附名於邑長爲榮士君子之所貴賤豈不較然哉今天下之陳不宗吳興下若里而宗江州義門山其重良可知也已道光癸巳年仲夏月上奇嫺台爲訂譜故以太妯翁行述屬余序翁自閩中徙居興邑章貢之龍上敦厚周慎衣帛食肉享年八十有九盛世榮封也太妯母李享年七十九奇翁亦恩授登仕郎克恢先業稱其家兒也回憶少時吾父師纂張公藝陳氏能公而忍婦言勿用二公家訓書爲座右銘今再繹七義之所以得旌者筆有餘芳而凡致力修齊者聞烏頭綽楔之風勃然共興矣

大清道光十三年季夏月

吉旦

明經進士

勅授修職郎郎選訓導

妯愚姪劉世枝

拜撰

蓼溪習聖公傳

德業之久大必有爲之前者亦必有爲之後者乃能相得而益彰公于
順治末年由閩中永定黃仕坑遷於豫章萬安之小蓼擇地而居克勤
克儉故後裔蕃衍以本業成家者有人以詩書顯名者有人邑中稱巨
族焉愚去公百有數十年距公之地亦百有數十里時地不同公之德
業何由而知因貴族合修家乘設局於愚之鰲源堡里溪而公之六世
孫發祥在局同事輯修自述公之來由問傳於愚夫公已往矣今觀公
之嗣孫發祥有崇德象賢之志則公之德業洵可大可久而貽謀彪炳
與家乘並垂於不朽云是爲傳

大清道光十三年季夏月

吉日

年姻教晚郡廩生歙江葉逢春

拜撰



夫山者地之脈也，水者地之血也。脈血不和，則地氣不寧。地氣不寧，則草木不茂，鳥獸不畜。此所謂地氣不和之害也。故君子居山，必先察其地氣。地氣和，則山澤氣通，草木茂盛，鳥獸蕃殖。此所謂地氣和之利也。

夫山者，地之脈也。水者，地之血也。脈血不和，則地氣不寧。地氣不寧，則草木不茂，鳥獸不畜。此所謂地氣不和之害也。故君子居山，必先察其地氣。地氣和，則山澤氣通，草木茂盛，鳥獸蕃殖。此所謂地氣和之利也。

夫山者，地之脈也。水者，地之血也。脈血不和，則地氣不寧。地氣不寧，則草木不茂，鳥獸不畜。此所謂地氣不和之害也。故君子居山，必先察其地氣。地氣和，則山澤氣通，草木茂盛，鳥獸蕃殖。此所謂地氣和之利也。



萬邑耀貴公號榮亭七十一壽序

昔太邱以醇德篤行澤鄉里化蚩愚里人之賢不肖皆望廬敬服不煩
官吏而自治身享大壽子孫薦歷公卿讀史者靡不仰慕欽崇焉今陳
尹以江右名進士來宰青谿甫下車以常例來謁詢其家世類多種德
既又曰現今職之堂伯父號榮亭者喬居吉安之萬邑宅心惠愛凡津
橋茶膳可以濟人利物者力所能給無不爲之邑當衝繁特捐買義土
數里凡孤貧無葬地者悉聽歸殯又爲施棺槨葬費迄今累累相望焉
鄉人薰其德而善良沐其澤而成全者久矣又捐立學祖以課親族正
身齊家其嫡堂子孫輩近百人胥雍匕聽承其子六人遊庠雍者居半
從子姪之州司馬縣佐貳列成均者又數輩一堂四代福亦厚焉今年
逾七秩職之宗族親里私欲製錦晉祝敢異鴻章弁之錦端實增光寵



余嘗嘆古今人不相及今以太邱公之苗裔而醇德篤行所以澤鄉里
化蚩愚者未知與古何如而義士一端澤遍枯朽又似漢史所無焉方
今

聖天子累洽重熙雖野無頑民邑鮮窮獨其僻壤荒陬刺史縣令之分治者莫
不賴鄉老之導化而上贊焉夫誠麗邑間得如其輩數人非官斯土者
所厚幸歟余既嘉 翁之行誼又重青尹之請故樂為之序云


特授貴州思州府知府加三及紀錄五次年家眷弟德永 頓首拜撰

鄉進士出身署貴州安順府鎮寧州事試用知縣 寅愚姪詹官

文林郎原任遵義府桐梓縣候補知縣 寅愚姪李元極

鄉進士出身原任河南內黃縣貴州候補知縣 寅愚姪顧培

鄉進士出身署貴州平越縣事候補知縣 寅愚姪劉光第



贈陳生蘭谷行畧

陳生蘭谷諱孚言五雲之佳士也資秉穎異九歲能文十二歲隨堂伯父鑑堂先生于南康星子學署肄業鹿洞書院時院長左公觀瀾胡太史容皆器重之又經蓮城廖上廉閩杭謝大年永定家師斗三及吾同寅李公蓉峯諸先生以陶鎔之以夙覽乎匡廬彭蠡之勝槩而復得名師宿儒之樂育故志高識遠蘊釀精深發爲文詞恣肆汪洋竒聳拔俗早年受知于學憲汪瑟菴累試優等固無負令先君世翁先生殷勤課讀之願也生昆季四俱遊膠庠生居長值令先君賓天而後家政羈身遂未伸大志顧猶滿佚經籍凡家鄉之受業于門者類皆卓犖不群泮沼生香而生賦性剛毅守正不阿不以非道假人家中子姪輩事皆稟命稍有違禮越分者卽加懲逐所有上下往來交淡如水規勸



以道而尤情切於和宗睦族近年以來倡建宗祠于吉麗人咸服生公而勤撰修家乘于興邑人咸服生明而正余忝擁臯比在五雲二十餘載知生最悉以生所素裕而措諸施爲將不但有功于爾家而必有光於邦國也生其勉旃余蒙推陞瑞州教授臨別因走筆留墨以贈之

道光十三年癸巳春月 日

廷誡進士

萬安縣儒學教諭陞瑞州府學教授年家眷同學弟張崇福 拜贈

贈蘭谷弟序

天下難爲之事得明敏慎重之人爲之則又覺甚易如修造家譜因兼乎創居今稽古從後以溯乎前旁搜遠攬自親以及乎踈典甚重而義至深非有見聞博洽之學將以慎重不佻之心亦烏足以任其事而觀厥成我陳氏自蒲公上溯至大舜世系若干自受姓後逋及太邱世系若干由潁川而支分江州由江州而分遷寧化惟遠魁二公之子孫由江而閩由閩而粵又由閩粵而復居江右及廣西四川江南等省轉徙靡定凡祖宗功德科名仕宦以及文學之英進士之第難以悉數而且先後不同發跡各異有見諸史冊者有微諸故牒者有史冊故牒未及載者即載之又或彼此互混莫得其詳當參訂纂輯之下苟逞其智罔不以艱深文淺陋惟歛其智自弗以浮誇滋口實而吾弟積學多年



閱歷有素判是非明得失稟筆而勒不刊之辭虛衷而凜傳疑之跡自
 一本以至九族昔之視為殘闕者補之由高曾而遍及雲初向之淪於
 廢墜者修之以之上治知報本返始之有自焉以之下治知急難禦侮
 之有由焉以之旁治知薰蕕葭莩之無愆焉仁敬之道出其中慈愛之
 道亦出其中則吾弟之有功于斯舉也大矣難云乎哉故樂為之序

大清道光十三年季夏月

吉旦

興邑龍坑愚兄懷六

拜撰

陳步南先生行述

萬邑之南小蓼

步南陳先生

思行老妯翁之令嗣君也昆季五而

先生居次溯

先生太高祖

廷卿公由閩汀永邑隸籍於斯積祥衍

慶人文蔚起以篤生

先生先生孝友人也秉資明敏賦性剛直而尤

篤好詩書弱冠時既出類超羣然常以倫紀自任以親心爲己心故問
安視膳之下念家大人繁不忍親之勞心焦思慨然棄舉子業以遊成
均襄理家政廣置田園宏造屋宇而心之所篤好者此志終不能忘也
於是屢年延師教讀督責子弟以就道範以故列膠庠者有人赴仕途
者有人賢子肖孫輩接踵繼起焜耀一時得以拖紫扞青鳳毛世濟
先生之獲報豈其微哉他如鄉里之間排難解紛得先生之喟言以
爲重而先生亦不惜貲財以寢事息爭以及修橋梁濟困乏置買義



上言不方言
聖朝
土誠出於愛人利物之心大異於流俗沽譽之輩凡此不承厥志數十年如斯出入雖不無稟命而其間之維持調護先生之力正自不少迄今思之上以承顏順志下以嚴課是孫一家之中雍然就理藹如也所謂施於有政是亦爲政者 先生其庶乎近遵

盛軌榮膺守備副府之職異日馳驅 皇路求忠臣必於孝子之門先生蓋其選歟鈞自愧學淺才疎不能揚芳摘藻攢筆以頌美德然梓里相近屢蒙雅愛深知有素故不難述 先生之行質而言之以俟後之君子攷實行一一稱道弗衰并以予言爲不謬是 先生之足以見稱于後世者即予之幸也因爲以序

年家姻愚晚鑄人鍾鴻鈞

頓首拜撰

陳母賴安人壽序


恭祝

勅授承德郎世封陳姑翁德配賴安人六一榮壽

自古稱賢婦者曰周姜曰大任曰大似曰邑姜類皆徽音遠播母儀廣昭其餘三從四德備美兼隆無一不可稱述用是正位於內有以開一代之隆恭惟世

封陳姑夫大人德配賴安人嬪於望族毓自寒門愚居闕汀永邑遙隔千里未之知也

乾隆丁酉歲愚幸登賢書公車北上拜族江西族叔貢生殿如移居萬安為姑夫之姊夫同居於蓼溪鄉始知姑母配姑夫世封大人闔內相助事之巨細罄無不宜時共稱為女中君子由是姑夫捐陞布



司理問 贈封 姑母 安人是可美已且膝下諸君有四皆賢當時

安人義方是訓勤讀詩書而諸賢孫亦繼起羅列識者謂威鳳祥麟未
可限量嗣於

嘉慶十六年辛未愚選授山左館陶人有自江右來經過萬邑者詢之未
得其詳戊寅初秋族叔殿翁之孫與其姪孫至館愚問之具道安人長
君已入文庠二君三君亦進武泮四君及諸孫雖未展驥足其必捷發
無極者愚聞而心儀之竊以爲 安人有其德宜天之報施爲不爽也
既又言明歲己卯爲姑母六旬加一設帨之辰親族等共欲製錦稱祝
其子若孫託請愚言以壽 安人愚不文不能爲 安人願也然忝在
兄行又不敢辭因質言古賢婦之徽音遠播母儀廣昭者實開周家之
隆而 安人之三從備美四德兼隆者亦足贊陳氏之榮不可謂非以

文林郎署貴州荔波縣事安南縣知縣

鄉寅姪吳基龍

鄉進士出身原署貴州玉屏縣事候補知縣

寅愚姪皮昌嶼

鄉進士出身原署貴州普定縣事餘慶縣知縣

寅愚姪吳壽朋

貴州施秉縣分駐勝秉縣丞歷署婺川邱江龍里知縣

宗姪 澣

賜進士出身文林郎候選知縣

年家姪教弟黃吉芬

修職郎任吉安府萬安縣儒學正堂

年家教弟洪聯璧

禮部進士考選儒學司訓

辱子婿賴思聲

例授國學生

忝孫婿津水

邱瓊璣

賜進士出身文林郎知貴州青谿縣事督運京鉛

愚姪作芹


鄉進士出身文林郎候選知縣

愚姪作藻

等同頓首拜祝

大清乾隆四十八年孟冬月


穀旦



道光十三年季夏月

吉


孫孚言錄



Faint bleed-through text from the reverse side of the page, including characters like '道', '光', '十', '三', '年', '季', '夏', '月', '吉', '孫', '孚', '言', '錄'.

文塔派原籍永定松崗頭屋場田山契

金豐里陳東鄉住人余宏足宏讓宏庄宏茂兄弟今因無銀使用自情愿將到承祖遺業壹處坐落土名松崗頭老屋地基壹節左右橫屋各壹節春手各壹節回屋各一節田屋并瓦桶禾倉地基又願屋各一節又左右橫屋左右兩傍糞厠左右菜園又左右魚塘又左邊樓脚一節又帶右邊樓脚各一節又老屋後左右山林竹山杉木俱係二房均分又左邊墩子下窠裏塘子直過田一處又帶願屋右邊背頭岡上直上广上田一處又帶老屋右邊銀子坵田一處又帶員崗背田一處又帶磔下田一處又帶上燒崗窠荒甫田一處禾田共成六處正二房各分足四兄弟禾田屋塘樓脚菜園糞厠山林并田共成六伯巴正額載稅糧正耗米貳斗貳升正要行出賣今托中人送與陳應輝前來出首承



買當日憑中三面言斷時值田價絲銀肆拾六兩正即日隨契兩相交
 付足訖不欠分文委係正行交易不是準折負債之故其田自的筆之
 日任從買人過手耕住管業其糧米遇大造之年許買人推收入戶有
 賣人不得加增合勻二房共禾田一千二伯巴并屋地基在內各分六
 百巴正但後日不得紊占二比并肯兩無逼勒今欲有憑用立契書為

照

即日親收田價絲銀肆拾陸兩正足

一批原賣王稅谷參拾一斤二籩

又批佃人應興稅穀一斗正

又批佃人應田稅穀十斤另三筒 各分四十二斤買主

崇貞十五年十一月初五日立契書人 余宏足



宏茂

宏庄

代筆弟宏讓

仝母張氏 男代押

姪毓崇

江思善

說合中人 陳道松

江汝彌

見人弟 應田

應榮

以上俱花押



恩榮陳鼎琳公序

人生宇宙間有才始能建大猷有德因可受多福德以主才則才之所
用者皆正大才以濟德而德之所施者愈宏深 如翁才德兼備之士
也以言其才具優裕之經綸圖以遠之事業內理家政田山廣置富甲
鄉隅外睦親鄰大小行爲悉就裁處揆幾決事無凝滯于心胸排難解
紛不阿徇而正直成人美周人急凡于義所當爲者靡不躬行而實踐
作閭里之典型爲衆心所悅服才則遠邁羣倫矣以言其德謙恭持已
忠恕待人處富無驕樂善不俸平價而糶義米濟貧困于荒年修路以
建橋梁便行人之來往課耕課讀勤儉戒奢華言孝言慈井里興仁讓
善行彰也至今人猶稱道而弗衰德則洵足思慕矣所以上邀
天眷壽享修齡偕德配 劉老孺人俱年逾八秩荷



天廷之寵錫榮應品級穀詒孫子四世一堂名馳泮水者有人聲振藝林者
多士安富尊榮優游杖履樂終天年詎非天之報施善人固有如是哉
晚叨末戚居里稍遙雖未親令儀聆清誨而胞兄太學生名化鯤爲
翁女婿居恒述 翁才德耳聞甚稔故景慕在心常眷七而不能忘也
茲因尊庭重修家乘不揣固陋敬爲之序云

兵部廷試進士

勅授武畧騎尉郎補衛分府年姻晚生鍾化龍

頽首拜題

李院毓琳陳姻翁序

夫人之所以著休光播遺烈者大則列之國史次亦載在家譜而家譜之作一以溯其源流一以徵其事跡二者立而可以上承先志即可以下裕孫謀也 毓琳翁本大邱之裔彰於前者宜繼於後跡其光明正大不尚浮誇待鄉里以溫和課兒孫以禮義居身崇乎樸實處事勵以精明而且年登八秩家計豐厚里之人咸相與推重者謂其有長者之遺風與翁因譜牒之作慨然有請於余七忝居戚誼詢其爲人望重年高卓然可稱將撰此以載家乘誌公之跡狀公之行即以爲上承先志下裕孫謀者後之人諒不以余言爲虛也是爲序

年姍晚生鍾殿邦

拜撰

年譜

下谷

高

海

風

天

平

文

公



李院義馨陳姻先生序

從來事之所爲祖宗子孫謀者莫若於家乘蓋前人之功德賴後人傳
之後人之基業自前人開之此孝子仁人之所不容已也癸巳余授業
李院馨翁先生慨然以修家乘爲急因對余言曰余陳氏宗支今已
歷一百數十餘世不可謂不遙矣長老漸消孰考訂疇昔文獻不足孰
告語將來譜而不作於今其何以承先志余曰此孝子仁人之爲也因
叙其生平爲人儉約居身義方訓子惇厚忠直居然有古人風創置家
業光大門閭好善務施不惜捐貲之舉排紛解難奚辭戮力之勞而且
名列成均望重鄉黨其卓匕行誼非僅增光譜牒實足裕謨後昆也余
不揣固陋畧陳俚語用以刊之棗梨以爲千百世子孫計也云爾

年媯晚生鍾殿邦

拜撰

李院榮琮公序

覃恩欽賜登仕郎陳公字榮琮鼎琳翁之長君也琳翁嘉言善行載在家乘彰
匕可考已芳流奕葉無庸贅述矣 琮公復繼美前徽爲家庭增色易
云鳴鶴在陰其子和之殆是之謂歟蓋公也秉性溫良存心忠厚家豐
饒而好儉身榮顯而不驕友愛同氣蒸成仁讓之風義訓後人克紹箕
裘之美糶義米以濟荒年息爭訟而和鄉里周人急成人美凡於義所
當爲者靡不解囊無吝色洵可謂上光先德下啟後賢也宜其邀天眷
享大年受多福偕德配 林孺人優游杖履願養安居並躋修齡親見
一堂四代花萼聯輝于堦畔鳳麟畢集子庭中受

盛世之榮褒爲鄉閭所矜式人文登出遠紹書香書曰作善降之百祥易曰
積善之家必有余慶今觀公之行善獲福信有明徵則將來之佳况愈



增不更可爲預期哉歲在癸巳之春 尊庭重修宗譜賢達盈堂才能
効力共襄厥美予叨末戚夙與公三弟邑庠生名云詩公者雅托知交
因得覽其世系見夫水源木本溯其由來祖德宗功彪于卷帙世代遠
近可按圖而稽倫次尊卑復秩然而序此誠仁人孝子之不忘其親可
增輝前德垂裕後昆者也爰樂公有善行足欽何可無文以誌之不揣
鄙陋因譜將修成將公之生平綴數語而爲之序云

大清道光十三年季夏月

吉日

歲進士候選儒學正堂

年姍弟鍾聲溶

拜撰

李院光讚尊叔序

天下事情則觀成敏則易舉况重修家乘必其人有繼志述事之心和宗睦族之念不辭勞瘁不避艱辛而後可以共襄厥舉吾叔諱榮璋號光讚係李院 昂琳公之季子也生平慷慨正直渾厚精明言行克謹孝友具全他如筵賓客誨兒孫與一切利人濟物之道早已膾炙人口佳亦何容置喙第即修譜一事觀之人或忘其本源 叔獨仁孝爲懷而無處不勤採訪人或薄其祖先 叔乃親愛爲念而何地不竭焦勞所以聯宗支於異域披星戴月殫其心往麗城而採買沐雨櫛風罄其力洵可謂孝子慈孫不忘前烈者矣茲觀其紅蘭青桂馥郁一堂從可知後嗣之光大門閭而家聲丕振者無非祖宗之呵護有靈上帝之報施不爽也余龍溪與李院相距不過十餘里素悉 叔之施爲行誼




因得述之以垂諸譜牒於以見天下事之精敏可成而迥異夫世之怠惰坐廢者

大清道光十三年季夏月

吉旦

龍溪姪懷六

拜撰



興邑北隅龍溪陳氏家傳

聞之賢才出國將昌子孫材族將大故世運之興必有珪璋聞望馮翼
孝德之士輝映於其間而鳳翹桐萋咏焉此由累朝造士之恩所以篤
慶錫祉無疆惟休也而家道之興亦必有忠信醇謹孝慈仁厚之嗣繼
承於其後而螽斯麟趾歌焉此必先代貽謀之善用能恢宏事業流澤
孔長也觀於國則家可知然則世族所以大必因子孫之材子孫所以
材又由祖宗之德矣邑之北隅龍溪陳氏其族有以文經著者有以武
緯揚者有遊成均者有列黌宮者是亦激水之名家也其族之賢智而
俊秀者不忘其先代之世德謂余能文授簡求傳於予以顯榮其祖德
因以及其後嗣予不能辭爲之溯厥由來以傳之陳氏祖基原在閩省
上杭縣自康熙年間乃祖順如公由閩杭興龍垵而移興邑黃田繼遷



下庄元其公由下庄而徙龍溪遂世居之父子積善成德家有作述之
隆繼美象賢代宏堂構之業以仁義存心以孝友立德以詩書繼世以
忠厚傳家用能振先緒而光大之以至宗緒綿長閱閱傳家聲之舊孫
支繁衍簪纓啟世澤之新迄今可謂事業崢嶸門第鼎盛矣其祖德之
創垂不亦善乎方今

聖治休美

文運昌明吾因陳氏後裔之盛以推陳氏先德之遺益信積厚者流光實
大者聲著源之遠流之長其來有自雲之蒸霞之蔚其興有由媯水之
後必昌大邱之門自盛行見鸞鷲鳳毛羽儀作


王家之瑞瓜綿椒衍蟬冕 奕世之輝也夫復何疑

皆

皇清道光癸巳十三年夏月

年家姻晚生鍾呈祥

頓首拜撰



東山先生文集

興邑北隅龍溪陳氏家傳

二

北隅先生

及上言介方言

鬼長之宅



世傳... 癸巳十三...

... 皇...

...

贈邱孺人節孝傳

昔人有言爲人婦者願爲佳婦不願爲節婦也而以節聞此生人之至
艱而操心之甚苦也人皆喜琴瑟之諧爾乃鏡鸞孤影釵鳳分飛傷
同心兮莫遂人皆悅鐘鼓之樂爾乃井水盟心栢舟矢志怨偕老兮不
終聽鳴鴛之號將海枯石爛尙有餘哀詠孤燕之詩卽地老天荒難消
此恨矣抑余思之在人生固不願有此事在宇正不得少此人惟其
松筠著節能久鍊於風霜所以日月爭光獨長留於天地能爲此者類
皆女流君子巾幗奇男有至性有貞操古今來可法可傳而淚海變爲
口碑者職此故也 陳母邱老孺人係 陳公諱公達字光宗先生之
元配幼工咏絮之才以端謹聞長叶宜家之詠以賢淑著不幸夫君中
年棄世舉丈夫子三長廷傑次廷仕三廷任時俱幼母年方二十有七



鬼其之六
矢靡他之志欲以死繼之從守一之義卽以身安之遂乃易錦茵以苦
席代羅繭以素帷不必割鼻斷臂與烈女爭名乃能畫荻和丸與賢媛
媲美厥子三人教之成立助之起家織麻泉治絲繭婦道克勤事翁姑
待妯娌內則無忝錯節盤根不顧青春之難度孤鸞寡鵠居然白髮而
如常陳孝婦之養姑不衰魯敬姜之守禮不懈莫是過矣其生平懿節
久已採入誌乘今因續修宗譜乃孫懷六囑余作傳以表其節於譜牒
余遂不辭固陋因是而傳之以垂諸永久云

皆

皇清道光癸巳十三年夏月

吉旦

年家姻晚生鍾呈祥 頓首拜撰

奉廷佐叔翁序

聞之太上立德次立言次立功三者俱不朽抑余思之人苟克自振拔
豈必盡如古人立德立言立功而始見其不朽哉生於朝者爭名生於
市者爭利然則生於野長於野者當必有所樹立而自表異于人也如
堂叔大人諱廷佐字相清始由龍坑繼遷牛牯嶺雖詩書未爛功名未
就而黜浮華敦古處依然渾噩風規存忠信祛驕矜不減先民矩矱寓
精明於渾厚藏篤寔於輝光克全孝友廣置田園勤儉致室家之饒裕
耄期協康強之美祝以故有德者後必昌無私者枯自篤蘭馨桂馥崢
嶸煥門第之新鵲起蟬聯崛起振家聲之舊洵可謂千人之俊萬人之
傑矣又况有元配黃孺人爲內助之賢慶舉案之喜乾健坤順夫唱
婦隨以視古人之雞鳴警旦而相敬如賓者爲何如而尊叔生平固



自有不朽者在也茲因重修家乘而特述之以垂諸永久云

大清道光癸巳十三年季夏月

吉旦

姪懷六

敬撰



龍溪懷六尊兄序

兄自先世由閩杭磔下徙居興邑黃田堡龍溪係吾全公十八世孫也與吾同派適同庚長吾數日諱龍誦號懷六幼習舉子業博極羣書揮毫成文應童試時屢列前茅惜不見知於主司而兄亦竟淡然忘之視世俗之悻也然者不啻有天淵之別誠以學問一途論是非不論得失由乎己者有定由乎人者靡常孟氏云趙孟之所貴趙孟能賤之者是也吾兄樂天知命崇儉樸屏浮華言規行矩雍容和順純是讀書人之本色癸巳歲因在里溪同事修譜越數月而始告竣參互考訂之下所以教我者多矣夫修譜原所以親也良知良能人生固有而智昏於利者往也重貲財而不見家族顧一己而或忘祖宗習俗之偷人心益見其澆漓矣使非有仁孝而將以誠篤者必不足以明其義而任其



事吾 兄仁孝本於性天誠篤根諸學問故能黽勉從事共襄厥成然
則一姓之中多得如其人者詩書垂訓於子姪禮教遍諭於宗支戒敗
獎成有加無已不誠爲大幸也哉是爲序

大清道光癸巳十三年季夏月

吉旦

萬邑小蓼蘭谷弟

拜撰

里溪位高公傳

公陳公 淑芳之第四子也器宇軒昂才識卓越生平言行皆可以爲法而其能人之所不能者則在於光前裕後焉昔 淑芳公於

康熙年間與其母由粵東興寧遷於豫章瑞金築室而居不數年又由瑞金遷虔州興國之清德鄉里溪覽其山川觀其土俗遂度地以立家室其所以貽後人者已肇其基矣而公則爲之繼志述事廣闢夏屋增置田園督耕課讀飭紀敦倫內外咸肅然就理而於隣里之間每周恤困乏排解紛爭凡遇義舉罔弗竭力勸成是公固宗族閭黨所倚賴之人也迄於今公往矣觀其後嗣蕃昌一堂四代公之貽謀愈久而愈著矣而遠近之思公者咸奉公爲老成典型也此 淑芳公已創其基而公又延其緒後先輝映宜其佑啟後人咸正無缺有以光於家乘云




大清道光十三年季夏月

吉日

年姻教晚郡廩生葉逢春

頓首拜撰



里溪必貴公元配蕭孺人傳

從來稱賢婦者必曰陶孟繼此亦不少女中君子巾幗丈夫而頌揚者類皆人云亦云或不據其實而終不足取信於人也我必貴公元配蕭老孺人素性不刻淑慎端莊持己勤儉而弗懈居家創積以豐隆孝事翁姑敬相夫子至於和妯娌惠親族固不待言矣生育四子教以義方長二才猷有陶朱之經營三郎早逝遺二芳而繼美季則才學兼優名雖未成而友教四方及門瞻仰者莫不有造而歌有德孺人享壽八十有五孫曾森立競秀層階四代一堂福之厚也實足以報孺人之德也夫婦人之足頌揚者不外三從四德耳今以孺人之有是德卽有是福於是見德者福之基福者德之致古人之言誠不爽矣人或謂吾之所以頌孺人者亦不過人云亦云吾則謂今之婦人求如

孺人之可頌者正自不易蓋必如 孺人之持己居家而後可云勤儉
創積必如 孺人之事翁姑相夫子而後可云孝敬必如 孺人訓子
各能成家立業而後可云義方又必如 孺人之四代一堂而後可云
福及享壽八十有五而後可云壽從可知 孺人之生平未常立異而
自無不異也吾之頌 孺人亦不必求異於時俗而正有大異於時俗
也吾甚願時俗之婦女能比美乎 孺人焉可矣豈必陶孟云乎哉是
爲序

大清道光十三年季夏月

吉日

萬邑蓼溪弟蘭谷

拜撰

里溪以茂公傳

公勤樸人也不好游讌不尚浮華生平惟以力本爲務經紀家事井匕
有條敦孝弟以盡倫率溫恭以接物族黨之間皆謂公有古人之風矣
所以日積月累守成創業以貽子孫而公之子若孫輩又能丕承公之
志於是家室日闢田園日增行見輝煌事業丕振家聲昔管子曰倉廩
實而知禮節可爲公之後嗣期之矣是公之勤樸可法可傳而公之緒
業愈熾愈昌則公生平爲人行事豈隨身而泯哉茲逢合修家乘正發
潛德幽光之候故愚不辭固陋而爲公作傳

大清道光十三年季夏月

吉旦

年姻教姪郡庠生葉逢春

拜撰

天武十三年春

...

...

...

...

...

...

...

...

吉旦



里溪以楨公夫婦合傳

昔梁鴻配孟光之賢人咸稱爲舉案齊眉故後之稱夫妻諧老者莫不相援以比擬之惟其賢也是以可傳也亦惟有諧老者是以可比擬也顧諧老又豈易云哉孔子云人之生也直也者生之理人必不失乎生之理而後可以云生故男生而不失此理者爲真男子女生而不失此理者爲女丈夫至同生而爲佳匹偶者或難其人矣惟里溪必貴公長子以楨與我同宗者論世次則我屬尊論年齒則楨居長觀其夫妻諧老男已七旬有四女則七旬有六身體康強相敬如賓庭前五桂森立階下諸孫崢嶸督耕課讀嚴慈兼濟筵賓待族惠義兼行不欺貧而媚富恒憐困而恤寡事不行非禮口不出惡聲是誠能不失生之理者則其生也與幸而免者異矣宜其靜好長春齊眉衍慶矣夫復何說



之有

大清道光十三年季夏月

吉日

蓼溪叔蘭谷

贈



鬼見之

里溪良楸公傳

今夫尊祖敬宗收族三者爲人後嗣之所當盡也由三者而推之凡待
隣里交朋友以暨日用酢醑莫不盡善吾於先生見之矣先生位高
公之第二子也孝弟忠信人信服之昔位高公能善守善創而先生
又能丕承厥志才識敏達排紛解難懋遷化居而又樂贊襄善舉咸有
克家之道焉於是慨然倡首聯本支以修明譜牒是其立志遠大洵有
光於前後而祖宗亦式憑焉愚仰先生之孝弟忠信有歷年矣今觀其
子孫克肖家庭雍睦而尊祖敬宗收族之事自必恢宏於來茲也爰執
筆而爲之傳

大清道光十三年季夏月

吉旦

年姻教姪郡廩生葉逢春

頓首拜撰



乃長...

鬼身...



Faint, illegible text within a rectangular border, possibly bleed-through from the reverse side of the page.

里溪良楸家先生序

漱江西北里溪家先生諱 以隆號 良楸乃吾 必貴公之令嗣君也兄弟四人克承父志而先生行二嚴氣正性秉禮守義操持家政內外肅雍凡子姪孫會士農工商各有專業鄉里中無論貧富貴賤賢愚皆待之以忠厚諸凡排難解紛得先生一言遂如冰消雪渙洵可謂一鄉之善士矣壬辰之秋慨然以聯宗和族爲念遣子若孫遍訪同宗同族之人萃聚一堂重修譜牒旋於癸巳秋月告峻美矣哉非得先生以力肩其任安得有此盛舉哉先生殆秉山川之靈氣兼得祖先所呵護仁孝性成純篤天定以故視諸宗族如一身之有四肢百體務使血脉相貫痛癢相關斯能懇切詳至序天倫之樂事用光前烈昭示來茲不誠有合於周禮所著曰孝曰友曰睦千古不易之常道歟吾因質言以



序之二

序之

大清道光十三年季夏月

吉日

萬邑小蓼弟輝照

拜撰



Faint, illegible text visible through the paper, likely bleed-through from the reverse side of the page.

里溪葉孺人節壽傳

閨壺中之所稱爲難能可貴者惟節爲最故能必壽者節能昌後者亦節孺人陳府以興公之元配也昔興公賁志早逝而孺人清孀自守稱未亡人二十有餘載能體夫君之志以自淑其身孝敬翁姑和睦妯娌他如惠下待隣經營家計罔弗各盡其道撫孤二長宗道次宗偉孺人爲之慈以養之嚴以教之人咸稱願然曰幸哉有子而且蘭芽吐秀清香宜人今孺人壽躋六旬有一而松柏之操歷久愈堅正彼蒼眷其苦節艱貞而錫以康強逢吉也此其節不可以不傳於是乎載之家乘以有光於前後也夫

大清道光十三年季夏月

吉日

年姻晚郡庠生練成功

拜撰

卷之三十三 卷之三十四
 卷之三十五 卷之三十六
 卷之三十七 卷之三十八
 卷之三十九 卷之四十
 卷之四十一 卷之四十二
 卷之四十三 卷之四十四
 卷之四十五 卷之四十六
 卷之四十七 卷之四十八
 卷之四十九 卷之五十
 卷之五十一 卷之五十二
 卷之五十三 卷之五十四
 卷之五十五 卷之五十六
 卷之五十七 卷之五十八
 卷之五十九 卷之六十
 卷之六十一 卷之六十二
 卷之六十三 卷之六十四
 卷之六十五 卷之六十六
 卷之六十七 卷之六十八
 卷之六十九 卷之七十
 卷之七十一 卷之七十二
 卷之七十三 卷之七十四
 卷之七十五 卷之七十六
 卷之七十七 卷之七十八
 卷之七十九 卷之八十
 卷之八十一 卷之八十二
 卷之八十三 卷之八十四
 卷之八十五 卷之八十六
 卷之八十七 卷之八十八
 卷之八十九 卷之九十
 卷之九十一 卷之九十二
 卷之九十三 卷之九十四
 卷之九十五 卷之九十六
 卷之九十七 卷之九十八
 卷之九十九 卷之一百



黃羣以周公序

譜也者譜其所自出與其所由分上溯祖考之源下清子孫之流使不
失親親之義而已然聚族而居世雖遠而可序屬雖衆而不踈若碁布
星散天各一方等途人而不相識者幾希矣憶陳公以周先生派分閩
省生武平東案橋蘭塘係一卽公之苗裔於乾隆癸亥年由閩遷興
邑龍下斯時也迄無寧宇罔有吉地篤生令子有三長君榮次君耀三
君安公乃不幸仙遊而君榮君耀二公則卜築於黃群王坑擇居於此
也相其土可以稼相其泉可以飲相其山原可以植杞梓而樹松柏相
其龍脉可以長子孫而裕後嗣遂闢草斬棘於斯築室聚廬於斯置田
里於斯耕種於斯爰得我所君子曰是善於謀始也其最著者次嗣
君耀公幼習父業長纒釋手克勤克儉廣置膏腴至髦老猶矍鑠自如



是以寵受登仕郎不惟口碑載道且以報答乃祖父也今則遠延世澤
丕振家聲吾聞莫爲之前雖美弗彰莫爲之後雖盛弗傳自以周公一
人開美於前穀詒孫子繼七繩七遞衍無窮予忝末戚爰染翰而爲之
序云

大清道光十三年季夏月

吉旦

誥授奉政大夫候選府左堂加一級

年家姻教生黃桂榮

頽首拜撰

里溪以文賢姪先生序

從來岳瀆之精英，恒結爲奇士。乾坤之瑞氣，每鍾爲偉人。故古今來矯世拔俗之
子，不馳騁於富貴功名，而懷瑾握瑜之倫，自表異於尋常流俗。則所謂千人之後
萬人之傑者，職此故也。如吾賢姪先生，諱以文，字錦繡，派雖卑而年尊於余。
側聞資稟聰明，識見高妙，幼習詩書，既典墳之博洽，長爲師範，羨桃李之芬芳。縱
未克斤藻拈香，掇科名於庠序，乃能精爽自飭，早出色於儒林。自是斂鏘藏鋒，似
覺才華之未露，而養深學邃，自見風雅之宜人。孝友克謹於庭內，義方教訓於後
嗣。和平樂易，爾雅溫文，宜乎帝眷有德，天佑善人，以純嘏而享優游之休，且康強
而獲逢吉之美。從可知積厚者其流光根深者其葉茂，道明德立之下，豈必馳騁
於富貴功名而始克表異於尋常流俗哉。愚龍坑與里溪里居相近，因今歲廁身
譜局，同修家乘，俾得舉賢侄之行誼，著之譜牒，以共見其不朽云。

大清道光癸巳十三年秋月

日

龍溪愚叔懷六

謹撰

六十四卦

卦名

卦象

卦義

卦辭

彖辭

象辭

詩

書

禮

易

春秋

傳



凡例附引

夫譜之作也固有謂爲聯情之書似也而不知聯情之中寓以義焉
吾家譜系雖有遺篇而其間尊親之情與夫勸懲之義諒難人人盡
悉茲特詳標於左俾後之賢愚共識修譜之意而曉然于情與義之
未嘗偏廢也爲誌凡例於後

一家譜之法歐蘇尚矣但蘓則散見而難稽歐則合收而易考自上而
下直書相承高曾祖考見孫由右而左橫書相屬見伯叔昆季長幼
自一世至數十世雖有親疎遠近不同而昭繼以穆穆繼以昭罔不
絲聯繩貫井然不紊秩然有條一本歐而兼取蘇法焉

一世系大書某旁書某之長子次子以及三四五六書皆同次書諱與
字行與號次書行爲事跡次書生卒墓次書配娶尾書子某其有異




母兄弟則書于某母位下俾爲後者知所從生也

一譜載名字行號生娶卒葬有詳有畧上世據舊譜所載下世憑各派各房所報皆不妄書

一書配娶男曰娶女曰配妻死再娶曰繼而曰副室者嫡庶之分也書地名書某人女閨名某明閹閹也夫死而他適人無子不書有則於子位下書母氏某以天下無無母之人也茲則書再醮或書出嫁至夫死而不改其志者特簡詞以表之

一書葬妻從夫曰合子孫從祖考妣曰附阡葬曰改曰移附葬於外曰寓葬自外而返曰歸葬至買他人山營葬則書契買某地某姓之山書某形同詳明上下左右恐失迷也程子曰葬有五患不得不謹須使他日不爲道路不爲城郭不爲溝池不爲貴勢所奪不爲耕犁所



及故凡塋地必詳者所以避五患示子孫世守也

一 生女適人則書女適某姓配某人某名于諸子名後如壻歿再適不書凡女未許聘止書未字

二 無後而不書止者以有姪可爲繼也故凡書繼者必於所生父名下直書第几子出繼某人仍於所繼父位下書入繼某人第几子重嗣續也其所入繼止取親從宗族之子不得收養異姓恐亂宗也倘有悞收悉削除不載以爲後鑒

三 族內子孫與異姓爲子直書曰與某姓爲子有隨母改嫁致冒他姓爲人後者准復姓歸宗綿似續也有自甘剃度者不書以其自絕於祖先外之也有流寓他鄉書寓某處與其或歸宗也

一 書仕曰仕某朝由某途始仕曰授某官屢遷曰仕至某官宦業可記



者簡詞書之其歷任次第則具載名位下至有忠節諸公特志傳以
風來世未仕而學行可稱與夫飲賓者英修祠纂譜能竭盡心力者
亦於各名位後簡祠書之仍具學行諸志傳以示獎勵微權婦女貞
節蒙

旨特旌者以及鄉邑旌表者必書亦仍具志傳以揚懿行彰閭則也

一歷代 誥勅惟本族以下選刻入譜非敢溢美謗僞以耀人耳目一
則不忍畏手澤一則不忍

君恩也

一譜之修不忘本也先儒之訓曰三世不修譜則爲不孝所以深警夫
忘本者故凡所生丁口尅婚須預立冊一本以更陸續增入庶免遺
忘若待數十世後其舛訛遺誤不少今族內公議每歲冬祭各房生

子於冬至前一日赴 祠報丁入錢 文并報冠婚嫁娶卒葬悉
於是日收冊之人及家房長斯文娶首眼同登明俾後續譜者得有
所致

一祖塋爲蔭祚重地 祠堂以妥侑 先靈均宜詳載至各房分祖塋
處及近代墳山亦須書明鄉各地名形向繪圖貼說及內碑志以防
侵犯

一凡傳讚序文必經族內賢長者公議可傳者方許刊刻入譜其餘不
可濫

一各房譜已編立字號不許損壞 補洗改字面與人抄謄每歲驗譜以
冬至日爲期各賚送 祠堂公衆查核違者因情定罰如有損壞
補洗改字面等弊罰銀壹兩至與人抄謄者除撲責外罰銀拾兩若

出券典錢圖財私賣假稱遺忘者俱係忘本之人重治黜族仍追原
譜另擇該房老成者領收掌管



又附規條列後

- 一敦倫常以禁悖逆富貴貧賤總以倫常是敦入宜慈孝序別出宜忠義順信然後可窮可達可常可變方得爲人爲子如有悖逆者懲逐
- 一肅體統以戒撻越遠近親疎總以體統是肅上接諸父諸兄下待諸子諸孫務令尊卑長幼名正言順方成大姓大族如有撻越者懲逐
- 一尚勤儉以儆惰奢士農工商總以勤儉爲尚藝業圖精圖成食用以時以禮慎勿遊蕩宴樂浮華浪費如有惰奢者杖責
- 一重廉恥以黜污賤男丁女婦總以廉恥爲重配偶原有定位內外各有正業毋事姦淫邪盜傷風敗俗如有污賤者逐誅
- 一安本分以杜欺凌衆寡強弱宜以本分爲安有力大爲扶持無聊不可濫賴必須伎求盡民患難相救如有欺隣者懲逐



一 貴謙讓以去矜傲往來交接總以謙讓爲貴榮顯益加卑牧寒微當知義命爲期中養不中才養不才如有矜傲者懲責

一 呈旌獎以表善行男婦不拘老少有孝弟節義者公舉當事旌獎以勸善行

一 記功德以彰孝義有賢孝篤宗之人或隱或顯樂捐己資增祀典廣頒旌者公立祿位專牌記捐數以傳頌之

一 昭誠敬以罰怠玩春秋祭掃原以尊敬祖宗篤親親之誼務須整衣冠毋許闖狠酗酒以致日無尊長如有怠玩者杖責

以上族規十條勵行者固在所嘉即不檢者宜詳細察實告 祖分
別輕重或杖責或逐出或誅斃唯公平能使心服不可徇縱尤不宜
枉屈若已察寔犯者抗避及庇護者一體鳴 官究治

賢繼賢者矣惟其賢也吾知安人之壽純七乎其未有艾也愚守官
千里外不獲登堂稱觥如安人者賢而有德不獨陳門之盛事抑亦
敝族之有光也爰敬書之以爲安人南山之祝

鄉進士出身山東館陶縣知縣愚兄鑑輝

頓首拜撰

清越之自來水
 于里於不
 習錄其善之



今將執事鴻名開列於後

纂修

孚言

協修

以隆

副修

錦繡

家維

叅稿

發祥

宗祺

對讀

懷六

良成

監盤

承誦

家臨

倡修

榮芳

宗祿

迪康

榮璋



卷之三

三

步南

宗道

宗福

英豪

明盛

以禎

光位

任林

善祥

承法

上葉

總理
首事

家崑

輝垣

奕桂

炳輝

以瓊

步春

上奇



魁聚堂世派合一原由

自古聖人論政正名爲先名不正則尊卑混世派淆漫曰和宗睦族是亦知和而和者甚非所以聯譜牒也蓋聯譜以收族收族以敬宗敬宗以尊祖務宜稱呼之間有倫有序雖各支各派居處窳遠人丁浩繁邂逅相詢卽知爲某兄某弟某叔某姪某伯祖叔祖焉粵自蒲公以來迄今百有餘世自我元公而下約計二十餘世及三十餘世不等今擬定五十六字各自按輩立名百有一世者以聚字派起百有六世者以方字派起其未及百有六世者待至百有六世卽以方字派起以昭畫一庶幾尊卑不混世派同流雅得正名之大義也爰列五十六字於后

魁聚堂中有義方
茂才振起經猷大
協志修明期式穀
惟思福廣貽謀遠

良家奕世紹書香
俊士咸登治化光
同心敦睦定生祥
續緒承先萬古揚

今將各派領譜字號開列於後

祖字號 興國里溪貴位堂以楨領

德字號 萬邑大蓼田蓬下廷斌堂英豪領

宗字號 萬邑黃塘以正堂永珠領

功字號 興邑李院元釋堂

淵字號 萬邑泮溪宗位堂奕桂領

濂字號 萬邑小蓼塔仔背斗才堂領

共字號 興國龍坑元其堂敵瑞領

詳字號 萬邑小蓼街下日炳堂發祥領

有字號 萬邑小蓼街下任銓領

虞字號 萬安大蓼



東...

頁譜字號

...

衍字號

興邑龍子逕璿榮堂家崑領

慶字號

萬安棉津麻油灘

保字號

萬安大蓼水西禮學堂光位領

艾字號

萬安小蓼垵口東昇堂領

發字號

萬安小蓼塔子背銘新堂

祥字號

萬安小蓼垵口懋功堂

瑞字號

萬安小蓼楊梅坑步南領

應字號

萬安小蓼楊梅坑良式領

星字號

萬安小蓼楊梅坑泰川

聚字號

萬安小蓼剛友堂輝揚領

祠字號

萬安蕉源星福堂步春



占字號 太和白羊垵惟相堂承運領

世字號 萬邑小蓼黃背坑昌保領

昌字號 興國石溪旗形科樓堂明盛領

英字號 興國李院元綱堂益鍾領

賢字號 興國李院元縉堂榮琮領

契字號 興國李院元綸堂

合字號 興國李院榮芳領

昆字號 里溪淑顯堂奕偉領

季字號 興國黃田淑才堂以瑞領

聯字號 興國里溪淑行堂

芳字號 興國里溪茂盛堂



敦字號

興邑逕口龍興堂領

睦字號

興邑黃田仕德堂烈朝領

原字號

興邑黃田文遇堂

重字號

興邑玉芹以周堂東玉領

修字號

興邑永豐上周堂

和字號

魁聚堂存衆以隆領

益字號

興邑龍上輝祥堂領

揚字號

文字號

章字號

華字號



鬼身之六三

國字號

史字號

冊字號

生字號

光字號

東

頁
字號

三
字號



天學
本學
概學
同學



虎耳

樂助

今將各派列上鴻名於後

萬邑小蓼塔子背

廷卿堂捐修錢

東昇堂捐修錢

銘新堂捐修錢

懋公堂捐修錢

剛友堂捐修錢

東

助

東



步南 捐修錢二十千文

大小蓼

浩光堂捐修錢三千文

泮溪陽坪腦

奕桂 捐修錢二千文

黃塘

贊公堂捐修錢五百文

蕉源



星福堂捐修錢二千文

興邑龍上

輝祥堂捐修錢拾壹千文

里溪

俸佳堂捐修錢十千文

田背鵝公坡

玉蘭堂捐修錢十千文

李院



榮芳 捐修錢十六千文

元縉堂捐修錢二千五百文

福琳堂捐修錢一千文

毓琳堂捐修錢五百文

元綸堂捐修錢

龍溪

邦輝堂捐修錢十四千文

承鴻 捐修錢五千文



承洲堂捐修錢壹千六百文

承漳捐修錢一千文

九章貢逕口

隆興堂捐修錢一千文

白洋埕

惟相堂捐修錢

黃田寨背

明學堂捐修錢一千文



黃芹

東玉 捐修錢二千五百文

龍子逕

璿榮堂捐修錢

永豐

上周堂捐修錢

興萬二邑

科樓堂捐修錢



另具

道璉捐修錢二千二百文

迪康捐修錢一千文

承源捐修錢五百文

懷六捐修錢一千文

輝幹捐修錢十千文



